

# AÐALNÁMSKRÁ TÓNLISTARSKÓLA

## ALMENNUR HLUTI

2000



AÐALNÁMSKRÁ TÓNLISTARSKÓLA - ALMENNUR HLUTI



Menntamálaráðuneytið

## **Auglýsing um gildistöku aðalnámskrár tónlistarskóla**

### **1. gr.**

Með vísan til 1. og 12. gr. laga nr. 75/1985 um fjárhagslegan stuðning við tónlistarskóla, með áorðnum breytingum, hefur menntamálaráðherra staðfest nýja aðalnámskrá tónlistarskóla sem tekur gildi frá og með 1. júní 2000. Aðalnámskráin kemur til framkvæmda í tónlistarskólum frá og með skólaárinu 2000-2001 eftir því sem við verður komið og skal að fullu vera komin til framkvæmda eigi síðar en að þremur árum liðnum frá gildistöku. Jafnframt falla úr gildi eldri námskrár í tónlistargreinum.

### **2. gr.**

Aðalnámskrá tónlistarskóla er gefin út í tíu heftum og skiptist í almennan hluta aðalnámskrár og níu sérstaka greinahluta.

Í almennum hluta aðalnámskrár tónlistarskóla er meðal annars gerð grein fyrir hlutverki og meginmarkmiðum tónlistarskóla, skipan tónlistarnáms, greinanámskrárm, og skólanámskrárm, fjallað um kennslu og kennsluhætti, þætti í hljóðfæra- og tónfræðanámi, námsmat og próf, tengsl heimila og skóla og samvinnu í skólastarfi. Í bókarlok er umfjöllun um námsumhverfi og mat á skólastarfi. Almennur hluti aðalnámskrár tónlistarskóla er birtur sem fylgiskjal með auglýsingu þessari.

Í greinahlutum aðalnámskrár tónlistarskóla, sem gefnir eru út í níu heftum, er fjallað um markmið, inntak og skipulag náms á tilteknum námssviðum. Jafnframt er gerð grein fyrir prófum og gefnar ábendingar um viðfangsefni. Heftin bera þessi heiti:

Ásláttarhljóðfæri  
Einsöngur  
Gítar og harpa  
Hljómborðshljóðfæri  
Málmlásturshljóðfæri  
Rytmissk tónlist  
Strokhljóðfæri  
Tónfræðagreinar  
Tréblásturshljóðfæri

Heftin eru gefin út af menntamálaráðuneytinu á árinu 2000 og dreift jafnöldum til tónlistarskóla.

Menntamálaráðuneytinu 31. maí 2000



Björn Bjarnason



Guðríður Sigurðardóttir

### **Til foreldra/forráðamanna nemenda í tónlistarskólum**

- Mikilvægt er að nemendur búi við jákvætt viðhorf til tónlistarnámsins, að foreldrar/forráðamenn sýni náminu áhuga og að þeir fylgist með framvindu þess.
- Hljóðfæranám byggist að miklu leyti á daglegri og reglubundinni þjálfun og er því að verulegu leyti heimanám. Án markvissra æfinga verður árangur rýr.
- Nauðsynlegt er að nemendur geti æft sig þar sem þeir verða fyrir sem minnstri truflun og hafa ekki á tilfinningunni að þeir trufla aðra.
- Ungum nemendum þarf að hjálpa við að skipuleggja æfingatímann.
- Árangursríkara er að ungr nemendur æfi sig oftar og skemur í senn en sjaldnar og lengur.
- Tónlistarnám þarf að vera ánægjulegt og ánægjan felst ekki síst í stolti nemandans yfir eigin framförum og aukinni færni.
- Eðlilegt er að áhugi nemenda sé ekki alltaf samur og jafn. Ef nemandi sýnir merki um uppgjöf er mikilvægt að kennari og foreldrar/forráðamenn leiti orsaka og lausna. Stundum er nóg að skipta um viðfangsefni til að áhuginn glæðist á ný.
- Hlustun er afar mikilvægur þáttur í öllu tónlistarnámi. Með því að hlusta á vel flutta tónlist fá nemendur nauðsynlegar fyrirmynndir. Foreldrar/forráðamenn geta lagt sitt af mörkum með því að hvetja nemendur til að hlusta á fjölbreyttu tónlist við margs konar aðstæður og með því að fara með þeim á tónleika þegar tækifæri gefast, bæði innan tónlistarskólans og utan.

AÐALNÁMSKRÁ TÓNLISTARSKÓLA  
ALMENNUR HLUTI

2000

Menntamálaráðuneytið

Menntamálaráðuneytið : námskrár 24

Júní 2000

Útgefandi: Menntamálaráðuneytið

Sölvholsgötu 4

150 Reykjavík

Sími: 560 9500

Bréfasimi: 562 3068

Netfang: postur@mrn.stjr.is

Veffang: www.mrn.stjr.is

Hönnun og umbrot: XYZETA / SÍA

Ljósmýndun: Kristján Maack

Myndskreytingar: XYZETA / SÍA

Prentun: Oddi hf.

© 2000 Menntamálaráðuneytið

ISBN 9979-882-46-8


# EFNISYFIRLIT

Inngangur .....	7
Forsendur aðalnámskrár .....	11
Hlutverk aðalnámskrár	
Efni almenns hluta aðalnámskrár	
Hlutverk og meginmarkmið tónlistarskóla .....	13
Hlutverk tónlistarskóla	
Meginmarkmið tónlistarskóla	
Uppdisleg markmið	
Leikn- og skilningsmarkmið	
Samfélagsleg markmið	
Skipan tónlistarnáms .....	17
Áfangar og próf	
Greinanámskrár .....	19
Uppbygging greinanámskráa	
Hljóðfæraleikur	
Tónfræðagreinar	
Rytmísk tónlist	
Skólanámskrár .....	21
Grundvöllur og hlutverk skólanámskráa	
Uppbygging skólanámskráa	
Kennsla og kennsluhættir .....	23
Þættir í hljóðfæra- og tónfræðanámi .....	25
Hljóðfaranám	
Tónverk	
Æfingar	
Tónstigar og hljómar	
Utanbókarnám	
Óundirbúinn nótalestur	
Skapandi starf	
Leikur eftir eyra	
Heildarsvipur	
Tónfræðanám	
Tengsl tónfræða- og hljóðfaranáms	

Samleikur og samsöngur	
<b>Námsmat og próf</b>	<b>30</b>
Almennt um námsmat	
<b>Áfangapróf</b>	<b>33</b>
Skipulag og tilgangur	
Samræming mats og prófdæming	
Einkunnagjöf og lágmarkseinkunn	
Prófskirteini	
Lengd prófa	
Almennar prófreglur - hljóðfæra- og tónfræðapróf	
Prófreglur - hljóðfærapróf	
Grunnpróf tónlistarskóla	
Hljóðfærapróf	
Tónfræðapróf	
Miðpróf tónlistarskóla	
Hljóðfærapróf	
Tónfræðapróf	
Framhaldspróf tónlistarskóla	
Hljóðfærapróf	
Tónfræðapróf	
Tónleikar	
Námslok	
Skýringar við einstaka prófpætti á áfangaprófum	
<b>Stigspróf</b>	<b>45</b>
Skipulag	
Prófdæming og einkunnagjöf	
<b>Réttindi, skyldur, meðferð mála og upplýsinga</b>	<b>47</b>
Skólasókn	
Meðferð gagna	
Upplýsingaskylda gagnvart foreldrum/forráðamönnum	
Meðferð mála	
Samskipti nemenda og starfsfólks skóla	
Brottvikning úr skóla	

Tengsl heimila og skóla .....	49
Upplýsingamiðlun	
Foreldrafélög	
Samvinna í skólastarfi .....	51
Samstarf tónlistarskóla og leikskóla	
Samstarf tónlistarskóla og grunnskóla	
Samstarf tónlistarskóla og framhaldsskóla	
Tónlistarkjörsvið á listnámsbraut framhaldsskóla	
Tónlistarnám á bóknámsbrautum framhaldsskóla	
Samstarf við aðra tónlistarskóla	
Samstarf við aðra aðila	
Námsumhverfi .....	57
Húsnæði	
Búnaður	
Mat á skólastarfi .....	59
Sjálfsmat	
Viðmið fyrir sjálfsmat	
Ytra mat	
<hr/>	
Viðaukar .....	63
Nýbreytni í námsframboði	
Fyrirlestraraðir, námskeið og tónleikakynningar	
Samleikur fyrir áhugafólk	
Kynningarnámskeið í hljóðfæraleik	
Hljóðfæranám í smáhópum	
Að skapa eigin tónlist	
Skapandi starf í tónlistarnámi	
Um húsnæði og búnað	
Húsakostur	
Hljóðfæri, tækjakostur og kennslugögn	

*6*





## INNGANGUR

Öldum saman hefur tónlist, drottning listanna, verið ríkur þáttur í lífi og starfi manna, gleði og sorgum. Tónlistin er óaðskiljanlegur hluti af menningararfí þjóða.

Gildi tónlistarnáms er margþætt. Markvisst tónlistaruppreldi miðar að auknum þroska einstaklinga, þjálfar huga og eflir tjáningaráhæfni nemenda. Auk þess veitir gott tónlistarnám lífsfyllingu og hefur víðtækt félagslegt gildi.

Tónlistarskólar gegna lykilhlutverki við miðlun tónlistarþekkingar og þróun tónlistarlífs. Skólarnir þjóna breiðum hópi tónlistarhugafólks á ýmsum aldri, jafnt þeim sem stunda námið sér til ánægju og þeim sem hyggjast leggja tónlistina fyrir sig. Mikilvægt er að tónlistarnám veki ánægju og örvi nemendur til að iðka tónlist og njóta hennar.

Andrúmsloft og samfélag innan veggja tónlistarskóla, þar sem allt snýst um tónlist og tónlistariðkun, er einstakt. Eindregið er mælt með því að nemendum gefist kostur á skólastarfi í slíku umhverfi, einkum þegar áleiðis miðar í náminu, sé þess nokkur kostur.

Undirbúningur aðalnámskrár tónlistarskóla hófst árið 1992. Í júní það ár skipaði menntamálaráðherra fimm manna starfshóp til að semja fyrstu drög að texta námskráinnar. Starfshópurinn lauk störfum í maí 1993 og skilaði handriti sem gefið var út skömmu síðar. Námskrárdrögin voru send öllum tónlistarskólum, ýmsum stofnum, félögum og einstaklingum til umsagnar. Í febrúar 1994 var skipuð þriggja manna ritstjórn auk ritara til að vinna úr umsögnum og endurskoða texta námskráinnar. Ritstjórn lauk störfum í febrúar 1995 og skilaði endurskoðuðu handriti. Aðalnámskráin var gefin út í bráðabirgðaútgáfu í mars 1996 og send á ný til umsagnar.

Undirbúningur námskrárgerðar í einstökum tónlistargreinum samkvæmt aðalnámskrá hófst í ársbyrjun 1996 með samningu námskrár í tónfræðum fyrir grunn- og miðnám og var hún gefin út í bráðabirgðaútgáfu vorið 1998. Haustið 1996 hófst vinna við námskrárgerð í hljóðfæragreinum. Jafnframt var skipuð tveggja manna ritstjórn til að hafa umsjón með námskrárgerðinni og einstökum verkefnum, ekki síst samræmingu milli námsgreina.

Í aðalnámskrá tónlistarskóla er sett fram heildarstefna til næstu framtíðar um nám og kennslu í tónlistarskólum. Meðal helstu áhersluatriða og breytinga má nefna eftirtal-in atriði:

- Hlutverk og markmið tónlistarskóla eru skilgreind.
- Nám í tónlistarskólum skiptist í þrjá megináfanga: grunnnám, miðnám og framhaldsnám. Dregið er úr vægi stigskiptingar.
- Lögð er áhersla á sjálfstæði skóla og sveigjanlegt skólastarf, hvatt er til skólanámskrágerðar og sjálfsmats skóla.
- Sett eru fram markmið fyrir hvern áfanga allra námsgreina.
- Skilgreindar eru kröfur við lok námsáfanga. Settar eru reglur og viðmið um áfangapróf.
- Lögð er áhersla á skapandi starf í hljóðfæra- og tónfræðanámi.

Um 80 tónlistarkennrar og aðrir sérfræðingar hafa unnið að þessu verki og eru þeim við verklok færðar einlægar þakkir.

Nýrri aðalnámskrá tónlistarskóla er fylgt úr hlaði með ósk um að hún megi reynast vel við nám og störf í tónlistarskólum landsins.



Björn Bjarnason  
Menntamálaráðherra

**10**  
*10*



## FORSENDUR AÐALNÁMSKRÁR

Aðalnámskrá tónlistarskóla er gefin út í samræmi við ákvæði 3. töluliðar 1. greinar laga um fjárhagslegan stuðning við tónlistarskóla, nr. 75/1985, með síðari breytingum. Þar er meðal annars kveðið á um að tónlistarskólar skuli kenna eftir námskrá sem gefin er út af menntamálaráðuneytinu. Aðalnámskráin skiptist annars vegar í almennan hluta og hins vegar í greinanámskrár fyrir einstök hljóðfæri og námsgreinar í tónlistarskólum.

### Hlutverk aðalnámskrár

Aðalnámskrá lýsir meginmarkmiðum náms í tónlistarskólum allt að háskólastigi. Hlutverk aðalnámskrár er einkum að samræma helstu þætti tónlistarnáms, bæði milli skóla og innan einstakra skóla.

Lögð er áhersla á sjálfstæði skóla. Í því skyni eru í aðalnámskrá tilmæli um að starfssvið tónlistarskóla skuli skilgreint í skólanámskrá þar sem fram komi markmið náms og fyrirkomulag skólastarfs í viðkomandi skóla. Við gerð skólanámskrár skal taka mið af stefnumörkun aðalnámskrár tónlistarskóla ásamt því að setja fram sérhæfð og staðbundin markmið einstakra skóla.

Hlutverk aðalnámskrár tónlistarskóla er jafnframt að stuðla að viðsýni og sveigjanleika í kennsluháttum, svo og að hvetja til faglegrar og gagnrýninnar umræðu meðal tónlistarkennara um markmið og leiðir í kennslu. Námskránni er ætlað að hafa áhrif á námsframboð, kennslufyrirkomulag og námsmat í tónlistarskólum.

Aðalnámskrá tónlistarskóla er enn fremur til upplýsingar, m.a. fyrir foreldra/forráðamenn, sveitarstjórnir og aðrar skólastofnanir. Auk þess er fyrirsjáanlegt að aðalnámskrá muni leiða til breytinga á starfsmenntun tónlistarkennara.

### Efni almenns hluta aðalnámskrár

Í stórum dráttum má skipta efni almenna hlutans í þrennt. Í upphafi er gerð grein fyrir hlutverki og meginmarkmiðum tónlistarskóla, skipulagi tónlistarnáms, greinanámskrám, skólanámskrám og þáttum í hljóðfæra<sup>1</sup> og tónfræðanámi.<sup>2</sup> Því næst er fjallað um námsmat, áfangapróf sem tekin eru við lok grunnnáms, miðnáms og framhaldsnáms<sup>3</sup> og stigspróf sem taka má við lok I., II., IV. og VI. stigs. Loks er umfjöllun um réttindi og skyldur, meðferð mála og upplýsinga, tengsl heimila og skóla, samvinnu í skólastarfi, námsumhverfi og mat á skólastarfi. Aftan við texta aðalnámskrár eru viðaukar til leiðbeiningar um ýmsa þætti tónlistarnáms og aðstöðu í tónlistarskólum.

- 1 Í aðalnámskrá er orðið *hljóðfæranám* notað bæði um nám í hljóðfæraleyk og söng. Þar sem talað er um að nemendur leiki (á hljóðfæri) er einnig átt við söng einsöngsnemenda.
- 2 Fleirtöluorðin *tónfræði* og *tónfræðagreinar* eru notuð sem samheiti yfir ýmsar greinar, svo sem tónfræði, hljómfraði, tónheyrn, tónlistarsögu, formfræði og kontrapunkt.
- 3 Þrír megináfangar náms í tónlistarskólum, sjá nánar bls. 17-18.



## HLUTVERK OG MEGIN-MARKMIÐ TÓNLISTARSKÓLA

Hlutverk og meginmarkmið tónlistarskóla er að efla hæfni, þekkingu og þroska nemenda, sem og að stuðla að öflugu tónlistarlífi í landinu. Í skólastarfi tónlistarskóla ber að taka tillit til margbreylegra áhugasviða nemenda, getu þeirra og þroska þannig að skólarnir þjóni öllum þeim sem sækjast eftir tónlistarnámi. Kennsluaðferðir og viðfangsefnir skulu vera fjölbreytt og sveigjanleg.

### Hlutverk tónlistarskóla

Hlutverk tónlistarskóla er að

**stuðla að aukinni hæfni nemenda til að flytja, greina og skapa tónlist og til að hlusta á tónlist og njóta hennar,** m.a. með því að þjálfa tóneyra þeirra og einbeitingu, veita þeim fræðslu og auka færni á sviði hljóðfæraleiks, söngs og tónfræðagreina

**búa nemendur undir að geta iðkað tónlist upp á eigin spýtur,** m.a. með því að veita undirstöðuþekkingu, efla sjálfssaga og sjálfstæð vinnubrögð nemenda, jafnframt því að örva þá til að leika tónlist og syngja, bæði eina og með öðrum

**búa nemendur undir nám í tónlist og skyldum greinum á háskólastigi,** m.a. með því að veita þeim góða tæknilega tilsgögn í hljóðfæraleik og söng, markvissa þjálfun í tónfræðagreinum og tækifæri til að koma fram

**stuðla að auknu tónlistarlífi,** m.a. með því að hvetja til virkni nemenda og kennara í almennu tónlistarlífi, með samvinnu við aðrar mennta- og menningarstofnanir og samstarfi við listamenn

## Meginmarkmið tónlistarskóla

Meginmarkmið skiptast í þrjá flokka: uppeldisleg markmið, leikni- og skilningsmarkmið og samfélagsleg markmið.

**Uppeldisleg markmið** stuðla að auknum tilfinningaþroska nemenda, listrænum þroska, móturn viðhorfa, samvinnu og ögun.

**Leikni- og skilningsmarkmið** stuðla einkum að aukinni færni og þekkingu nemenda.

**Samfélagsleg markmið** stuðla að þáttöku í fjölbreyttri mennta- og menningarstarfsemi.

### Uppeldisleg markmið

#### Áhugi og iðkun

Nemendur öðlist lifandi áhuga á tónlist og tónlistariðkun með því að

- syngja og leika á hljóðfæri
- hlusta á fjölbreytta tónlist við margs konar aðstæður
- skapa eigin tónlist
- taka þátt í samleik og samsöng
- koma fram á tónleikum

#### Að njóta og upplifa

Nemendur læri að njóta tónlistar og upplifa hana sem

- hlustendur
- þátttakendur

#### Efling sjálfs-myndar

Námið efli sjálfsmynd nemenda, m.a. með því að þeir

- læri að sýna getu sína í verki
- læri að meta frammistöðu sína og framfarir
- taki þátt í skapandi starfi, jafnt í hópstarfi sem einstaklingsvinnu

#### Einbeiting, vandvirkni, ögun

Námið efli einbeitingarhæfni nemenda og stuðli að

- vandvirkni
- öguðum vinnubrögðum

**Samvinna**

Námið miði að því að efla hæfni nemenda til

- samvinnu í starfi undir stjórn kennara
- samvinnu í hópstarfi
- að leiða hópstarf

**Leikni- og skilningsmarkmið**

Nemendur

**Sjálfstæð vinnubrögð**

- læri og æfist í að leika tónlist eftir nótum, jafnt undirbúið sem óundirbúið
- æfist í að leika og syngja eftir heyrn og minni

Nemendur

**Hlustun og skilningur**

- læri að heyra og skilja frum- og túlkunarþætti tónlistar<sup>4</sup>
- öðlist þekkingu, geti greint og gert grein fyrir ólíkum tónlistarstefnum, stílteknum og tímabilum

Nemendur

**Sköpun eigin tónlistar**

- læri og þjálfist í að setja fram eigin tónhugmyndir, bæði skriflega og leiknar af fingrum fram
- læri og þjálfist í að setja saman hefðbundnar eða óhefðbundnar tónsmíðar
- læri og þjálfist í að spinna út frá gefnu upphafi, hljómsferli eða eftir örðum aðferðum

Nemendur

**Túlkun tónlistar og flutningur**

- þjálfist í að túlka tónlist með tilliti til aldurs og stíls tónverka
- læri að flytja og túlka tónlist með tilliti til greiningar á viðkomandi verkum
- þjálfist í að flytja tónverk með tilliti til tilfinningalegs innihalda þeirra

Nemendur

**Einkenni og áhrif tónlistar**

- læri að beita fagorðum yfir formhugtök, frum- og túlkunarþætti og stilbrigði tónlistar
- þjálfist í að tjá sig um tilfinningaáhrif tónlistar
- læri að tjá sig um hlutverk tónlistar og áhrifamátt hennar

<sup>4</sup> Frum- og túlkunarþættir tónlistar eru hrynnur, laglíma, tónblær, styrkur, hraði, form, hljómrænt inntak og hendingamótun.

## **Mat á flutningsi og túlkun**

### **Nemendur**

- þjálfist í að skynja mismunandi gæði og einkenni flutnings og túlkunar, geti tjáð sig um hvort tveggja og metið af þekkingu og tilfinningu fyrir stil
- læri að rökstyðja mat sitt með tilvísunum í frum- og túlkunarþætti tónlistar
- öðlist þekkingu og þjálfun í að meta ólikar stíltegundir tónlistar án fordóma

## **Samfélagsleg markmið**

Mennta- og menningarhlutverk tónlistarskóla er að

## **Valkostur allra**

- veita öllum, sem þess æskja, færí á að kynnast tónlistarnámi af eigin raun

## **Tónlistarflutningur**

- skapa nemendum tækifæri til tónlistarflutnings, jafnt innan skóla sem utan

## **Áhugi**

- stuðla að aukinni þáttöku áhugafólks í tónlistarlífi

## **Fagmenntun**

- stuðla að góðri fagmenntun tónlistarmanna og tónlistarkennara

## **Tónlistarstörf**

- stuðla að góðum undirbúningi undir margvísleg tónlistarstörf

## **Tónlistarlíf**

- efla tónlistarlíf í samfélaginu

## **Íslensk tónmenning**

- efla íslenska tónmenningu og beita sér fyrir varðveislu tónlistararfs þjóðarinnar



## SKIPAN TÓNLISTARNÁMS

Nám í tónlistarskólum skiptist í þrjá megináfanga: grunnnám, miðnám og framhaldsnám. Til grunnnaðs telst einnig fornám, þ.e. samþætt byrjendanám, sniðið að aldri og þroska ungra barna. Þessi áfangaskipting er óháð uppyggingu almenna skólakerfisins. Engu að síður má finna þar nokkra samsvörum. Þannig samsvarar grunnnám u.þ.b. neðri bekkjum grunnskóla, miðnám efri bekkjum og framhaldsnám svarar til náms á framhaldsskólastigi, þ.e. að háskólastigi. Slík viðmiðun er þó engan veginn einhlít þar sem nemendur hefja tónlistarnám á ýmsum aldri og námshraði getur verið mismunandi. Lok náms í tónlistarskólum er því ekki unnt að binda við tiltekinn aldur. Lengd námsáfanga miðast m.a. við kennslustundafjölda samkvæmt 1. grein laga um fjárhagslegan stuðning við tónlistarskóla, nr. 75/1985, með síðari breytingum, sbr. einnig ábendingar í viðauka á bls. 63-65.

### Áfangar og próf

Hverjum megináfanga lýkur með áfangaprófum, þ.e. grunnprófi, miðprófi og framhaldsprófi, annars vegar í hljóðfærileik og hins vegar í tónfræðagreinum. Jafnframt er heimilt að skipta námsferlinu í smærri áfanga eða stig.

<b>Háskólanám</b>
Framhaldspróf
<b>Framhaldsnám (VI.-VII. stig)</b>
Miðpróf
<b>Miðnám (IV.-V. stig)</b>
Grunnpróf
<b>Grunnnám (I.-III. stig)</b>

Áfangaprófum er ætlað að tryggja ákveðnar lágmarkskröfur í námi, festu og aðhald. Ljúka þarf báðum hlutum hvers áfangaprófs áður en heimilt er að þreyta það næsta. Til að ljúka framhaldsprófi þarf nemandi auk þess að halda sjálfstæða tónleika.

Námstími innan hvers áfanga getur verið breytilegur og ræðst hann meðal annars af aldri, þroska, ástundun og framförum. Miðað er við að flestir nemendur, sem hefja hljóðfærnanám 8–9 ára, ljúki grunnnámi á þremur árum. Gera má ráð fyrir að eldri nemendur geti farið hraðar yfir. Í mið- og framhaldsnámi eykst umfang námsins og sá tími, sem tekur að ljúka áföngunum, lengist að jafnaði. Lok framhaldsnáms miðast við að nemendur séu undir það búnir að takast á við tónlistarnám á háskólastigi.

Tónlistarskólum er heimilt að skipta áföngunum niður í stig þannig að grunnnám nái yfir fornám og I.–III. stig, miðnám IV.–V. stig og framhaldsnám VI.–VII. stig. Skólum er í sjálfsvald sett hvort nemendur þeirra taka stigspróf á milli áfangaprófa en áfangapróf skulu hins vegar koma í stað stigsprófa við lok viðkomandi áfanga, sjá nánar á bls. 45.

Samsetning, framkvæmd og prófdæming stigsprófa er al-farið ákvörðun og á ábyrgð þeirra skóla sem kjósa að halda þau enda er ekki fjallað um stig og stigspróf í greinanámskrám. Séu tekin stigspróf má gera ráð fyrir að nemendur í grunnnámi ljúki um það bil einu stigi á ári en þegar ofar dragi lengist námstíminn á milli stiga.



## GREINANÁMSKRÁR

Greinanámskrár tónlistarskóla eru vegvísir fyrir nemendur og kennara. Námskránum er ætlað að tryggja fjölbreytni en jafnframt að stuðla að samræmingu þeirra námsþáttar sem aðalnámskrá tekur til, bæði innan einstakra skóla og á milli skóla.

### Uppbygging greinanámskráa

Greinanámskrár miðast við þá skipan tónlistarnáms sem gerð var grein fyrir á bls. 17-18. Greinanámskrár í hljóðfærileik eru gefnar út í sjö heftum eftir hljóðfærafjölskyldum auk námskrár fyrir tónfræðagreinar og námskrár í rytmískri tónlist.

### Hljóðfærileikur

Í námskrám fyrir einstök hljóðfæri er gerð grein fyrir helstu markmiðum og námskröfum í hverjum námsáfanga. Í námskránum eru einnig listar með viðfangsefnum í grunnnámi, miðnámi og framhaldsnámi. Þessum listum er hvorki ætlað að vera tæmandi né bindandi, heldur eiga þeir að vera til viðmiðunar fyrir nemendur og kennara. Notkun námsefnislista stuðlar að samræmingu náms en þeir geta einnig nýst vel við að auka fjölbreytni í skólastarfi. Þá getur samanburður við slíka lista auðveldað flokkun annars námsefnis.

Í greinanámskrám eru birt dæmi um prófverkefni á áfangaprófum. Dæmin eru valin úr þekktum tónbókmenntum hljóðfæranna og er þeim ætlað að skilgreina þyngdarstig viðkomandi prófa.

Í hverri greinanámskrá eru birtir listar með samleiksefni. Auk þess er í lok hverrar námskrár skrá yfir gagnlegar bækur varðandi hljóðfærið.

## Tónfræðagreinar

Í námskrá í tónfræðagreinum eru skilgreind markmið, inn tak náms og námskröfur í grunnrámi, miðnámi og fram haldsnámi. Gerð er grein fyrir samþættingu tónfræða greina, tengslum þeirra við hljóðfæranám og aðgreiningu í einstakar greinar þegar líður á námsferilinn. Einnig eru í námskránni ákvæði um skipulag og uppbyggingu námsins, auk umfjöllunar um námsmat og próf.

## Rytmísk tónlist

Rytmísk tónlist er samheiti yfir djass, rokk og aðrar stílleg undir af afrísk-amerískum uppruna. Nám í rytmískri tónlist hefur nokkra sérstöðu innan tónlistarskóla, einkum vegna þess að um sérhæft nám er að ræða í hljóðfæraleik, tónfræðagreinum og samleik. Uppbygging námsins er þó svipuð öðru hljóðfæranámi og námskröfur sambærilegar en viðfangsefni eru að verulegu leyti frábrugðin þeim sem fengist er við í öðru tónlistarnámi.

Í greinanámskrá í rytmískri tónlist er m. a. umfjöllun um undirstöðuþekkingu og færni nemenda, markmið og námsmat. Í námskránni er einnig fjallað um þá þætti hljóðfæranáms sem sameiginlegir eru fyrir öll hljóðfæri innan námsbrautar í rytmískri tónlist, svo sem tónstiga og verk, en að öðru leyti skulu greinanámskrár í hljóðfæraleik fyrir viðkomandi hljóðfæri hafðar til hliðsjónar við kennslu.

Í námskrá í rytmískri tónlist er enn fremur sérstök umfjöllun um tónfræðagreinar og samspil í rytmísku námi auk sérstakra kafla um nám á rafgítar, bassa, hljómborð og í söng. Í þessum köflum er m.a. að finna útfærslur á sameiginlegum námskröfum, einkum varðandi tónstiga og hljóma. Fjallað er um nám á trommusett í slagverksnámskrá.



## SKÓLANÁMSKRÁR

Mikilvægt er að allir tónlistarskólar skilgreini starfssvið sitt og markmið í skólanámskrám og kynni þær fyrir nemendum og foreldrum/forráðamönnum þeirra.

### Grundvöllur og hlutverk skólanámskráa

Hlutverk skólanámskrár er að stuðla að árangursríku skólastarfi með því að veita upplýsingar og yfirsýn, auðveldra endurmat áætlana og tryggja sem farsælast tónlistaruppledri.

Við gerð skólanámskráa er tónlistarskólum ætlað að taka mið af stefnumörkun og markmiðum aðalnámskrár tónlistarskóla, ásamt því að sinna staðbundnum og sérhæfðum markmiðum. Skólanámskrár verða því að taka mið af aðstæðum á hverjum stað og hafa skólastjórnendur og kennrar þannig nokkurt svigrúm í skólastarfinu.

Hlutverk og meginmarkmið tónlistarskóla eru skilgreind á bls. 13-16. Leiðir að markmiðunum geta verið margar og kennsluáðferðir fjölbreytilegar. Það er því hlutverk skólastjórnenda og kennara, gjarnan í samráði við foreldra/forráðamenn og nemendur, að ákvarða hverjum þessara markmiða unnt sé að ná og hvaða leiðir verði valdar.

Í greinanámskrám eru skilgreind markmið og lýst lágmarkskröfum sem gerðar eru til nemenda við lok grunnáms, miðnáms og framhaldsnáms. Í skólanámskrá skal koma fram hvernig skólinn hyggst skipuleggja nám og kennslu til að tryggja að nemendur standist þessar kröfur.

## **Uppbygging skólanámskráa**

Skólanámskrá er í senn starfsáætlun viðkomandi skóla, upplýsingarit og lýsing á því sem gera á í skólanum. Skólanámskrá byggist á aðalnámskrá tónlistarskóla og skal jafnframt vera útfærsla á henni miðað við aðstæður og sérkenni hvers skóla.

Helstu efnisflokkar skólanámskrár skulu vera þessir:

**Yfirlit yfir námsframboð skólans**, þar með talið nám sem einstakir tónlistarskólar kunna að bjóða fram umfram það sem krafist er samkvæmt aðalnámskrá.

**Markmið og inntak**, annars vegar nánari útfærsla á markmiðum aðalnámskrár og aðlögun að aðstæðum, hins vegar staðbundin markmið og útfærsla á þeim.

**Skipulag og kennsluhættir**, svo sem upplýsingar um starfsáætlanir, kennara og kennslugreinar, stjórн skólans, starfstíma, tónleikahald og próf.

**Námsmat**, útskýringar á hvers konar námsmat er notað, hvers konar vitnisburður er gefinn og á hvaða grunni hann byggist.

**Aðrar upplýsingar**, svo sem um aðbúnað og aðstöðu í skólanum, skrifstofutíma, samskipti við heimili, samvinnu í skólastarfi, sérstök viðfangsefni og skólareglur.

Skólanámskrár þarf að endurskoða reglulega. Fari slík endurskoðun ekki fram árlega má benda á að nota smárit til að koma á framfæri breytilegum árvíssum upplýsingum, t.d. um starfstíma skólans, tónleika og próf.



## KENNSLA OG KENNSLUHÆTTIR

Kennsla beinist að því að hjálpa nemendum að öðlast þekkingu og skilning, að móta sér skoðanir og viðhorf og ná leikni á tilteknum sviðum. Kennsla miðar að því að nemendur nái þeim markmiðum sem að er stefnt.

Í skólastarfi á að ríkja fjölbreytni í vinnubrögðum og kennsluaðferðum. Kennrar bera faglega ábyrgð á því að velja heppilegustu og árangursríkustu leiðirnar til að ná markmiðum aðalnámskrár og skólanámskrár. Við val á kennsluaðferðum og vinnubrögðum verður að taka tillit til markmiða sem stefnt er að, aldurs, þroska og getu nemenda sem í hlut eiga hverju sinni og eðlis viðfangsefnisins. Vönduð kennsla, sem lagar sig að markmiðum og nemendum, eykur líkur á árangri.

Kennsluaðferðir og vinnubrögð í skólum verða að þjóna þeim markmiðum sem stefnt er að hverju sinni. Markmið tónlistarskóla eru margvísleg, allt frá markmiðum, sem varða afmarkaða þætti kunnáttu, leikni og viðhorfa, til langtíma markmiða. Val á kennsluaðferðum og skipulag skólastarfs verður að miðast við að nemendur fái sem best tækifæri til náms og þroska. Kennslan verður að taka mið af þörfum og reynslu einstakra nemenda og efla með þeim námfýsi og vinnugleði. Kennsluaðferðir mega ekki mismuna nemendum eftir kynferði, búsetu, uppruna, litarhætti, fötlun, trúarbrögðum eða félagslegri stöðu.

Fagleg þekking tónlistarkennara, bæði í hljóðfæra- og tónfræðagreinum, er afar þýðingarmikil sem og hæfni þeirra til að velja kennsluaðferðir og áhugaverð viðfangsefni til notkunar í skólanum og til heimanáms. Þetta getur ráðið miklu um hvernig til tekst við að vekja og viðhalda áhuga nemenda á tónlistarnámi. Einnig getur samskiptahæfni og viðmótt kennarans haft úrslitaáhrif á áhuga og framfarir nemandans. Tónlistarnám er valfrjálst nám og hvatning er nemendum mikilvæg, bæði frá kennurum og foreldrum/forráðamönnum. Síðast en ekki síst geta þessir aðilar haft mótandi áhrif á viðhorf nemenda til námsins, skólans og tónlistar almennt.



## ÞÆTTIR Í HLJÓÐFÆRA- OG TÓNFRÆÐANÁMI

Meginviðfangsefni tónlistarskóla er nám og kennsla í hljóðfæraleyik, einsöng og tónfræðum. Í aðalnámskrá tónlistarskóla er kveðið á um að við lok tiltekinna námsáfanga þurfi nemendur að uppfylla ákveðnar samræmdar kröfur um hæfni í þessum greinum. Jafnframt er lögð áhersla á fjölbreytni í starfi tónlistarskóla og að tekið sé tillit til margbreytilegra áhugasviða nemenda, getu þeirra og þroska.

### Hljóðfæranám

Í hljóðfærakennslu skal lögð áhersla á fjölbreytni þar sem tekið er tillit til væntinga og þarfa nemenda. Nauðsynlegt er að nemendur fái tækifæri til að tjá sig á margvíslegan hátt. Þátttaka í samleik og samsöng er mjög lerdómsrík og gæta þarf þess að sem flestum nemendum gefist kostur á slíku starfi. Einnig er reglulegur flutningur tónlistar á tónleikum mikilvæg reynsla fyrir nemendur.

Þættir í hljóðfæranámi eru margbreytilegir og verkefnaval mismunandi eftir hljóðfærum. Þá eru tónbókmennir einstakra hljóðfæra og kennsluefni breytilegt að eðli og umfangi. Eigi að síður má skipta öllu hljóðfæranámi í samsvarandi þætti og verður hér á eftir farið nokkrum orðum um þá helstu.

### Tónverk

Kennrar velja verkefni í hljóðfæranámi í samráði við nemendur. Þess skal gæta að viðfangsefni séu fjölbreytt og nemendur kynnist ýmsum stíllegundum tónlistar. Auk margs konar verkefna sem nemendur æfa til fulls er æskilegt að þeir kynnist fleiri tónverkum innan hvers áfanga. Mikilvægt er að yfirferð verkefna í hverjum námsáfanga sé viðunandi áður en hugað er að áfangaprófi.

## Æfingar

Góðar æfingar (etýður) stuðla að markvissri uppbyggingu hljóðfæratækni en taka auk þess á túlkunaratriðum, svo sem hendingamótun, styrk og blæbrigðum. Velja skal hæfilega krefjandi æfingar miðað við getu nemandans.

## Tónstigar og hljómar

Fjölmög atriði þjálfast með markvissri æfingu tónstiga, t.d. tækni, tónmyndun, inntónun og tónsvið.

Í greinanámskrám í hljóðfæraleik eru tilgreindir þeir tónstigar og hljómar sem nemendur skulu tileinka sér í hverum áfanga námsins á viðkomandi hljóðfæri. Einnig eru þar ákvæði um hraða og leikmáta tónstiga og hljóma.

## Utanbókarnám

Með því að læra tónlist utanbókar kynnast nemendur viðfangsefnum sínum á nýjan hátt. Nemendur skulu þjálfast jafnt og þétt í að leika verkefni utanbókar og njóta til þess leiðsagnar kennara. Mælt er með því að nemendur læri tónstiga utanbókar frá upphafi náms.

## Óundirbúinn nótalestur

Markviss þjálfun í nótalestri er mikilvægt grundvallaratriði í tónlistarnámi, m.a. til að nemendur geti greiðlega tileinkað sér tónlist og tekið þátt í samspili. Mikilvægt er að nemendur læri að góður nótalestur felur einnig í sér skilning og túlkun ýmissa leiðbeinandi orða og tákna.

Æfa skal óundirbúinn nótalestur reglubundið í kennslustundum og heimanámi. Til þess skal velja efni eftir getu hvers og eins. Miða má við verkefni sambærileg þeim sem nemendur hafa fengist við í hljóðfæranaði einu til þremur árum áður. Á sama hátt skal þjálfa nemendur í tónflutningi ef kröfur þar að lútandi eru gerðar í viðkomandi greinanámskrá.

## Skapandi starf

Allir nemendur í hljóðfæranámi skulu fá tækifæri og örvin til ýmiss konar tónsköpunar sér til ánægju og aukins þroska. Sérstök áhersla er lögð á að allir nemendur í grunnnámi taki virkan þátt í skapandi starfi.

Í mið- og framhaldsnámi velja nemendur hvort og hve mikil þeir sinna þessum þætti. Til að þetta sé hægt þarf að bjóða áhugasömum nemendum sérstakar kennslustundir og samleik þar sem á ýmsan hátt er unnið með tónsköpun og spuna, einkum þegar áleiðis miðar í tónlistarnáminu. Samþætt nám, þ.e. að fléttu saman fræðilega kennslu og samleik, getur einnig verið æskilegur kostur í skapandi starfi.

Skapandi starf í hljóðfæranámi getur m.a. falist í eigin tónsmíðum og flutningi þeirra, spuna út frá gefnu upphafi, svo sem laglínuhendingu, eða snarstefjun við gefið hljómferli eða lag. Starf af þessu tagi þroskar hug og hönd, eykuri skilning á innri gerð tónlistar og býður auk þess upp á fjölbreytilega notkun efnis sem nemendur hafa þegar lært, svo sem tónstiga og hljóma.

Tölvur og fleiri tækninýjungar síðustu áratuga gegna vaxandi hlutverki í tónsköpun samtímans. Rétt er að nemendur tónlistarskóla eigi þess kost að kynnast tölvutækni í þessum tilgangi og nýta sér hana, meðal annars við eigin tónsköpun. Nánar er fjallað um skapandi starf í viðauka á bls. 67-68.

## Leikur eftir eyra

Fátt þroskar tónneyra meira en að leika eftir eyra. Mikilvægt er að nemendur fái örvin og leiðbeiningu í að leika lög á þennan hátt, t.d. þekkt lög eftir minni eða lög lærð af hljóðritunum. Þessi þáttur námsins miðar meðal annars að því að nemendur verði hæfari til sjálfstæðrar tónlistariðkunar og að þeir geti leikið undirbúningslítið við ýmsar aðstæður.

## Heildarsvipur

Hluti tónlistarnáms felst í því að læra að flytja tónlist á öruggan og sannfærandi máta, undirbúa og setja saman efnisskrá. Jafnframt er nauðsynlegt að leiðbeina nemendum um örugga og viðeigandi framkomu, ekki síst á tónleikum og prófum. Þjálfa þarf nemendur reglulega í öllum þessum atriðum. Markviss kennsla á þessu sviði nýtist öllum nemendum síðar, hvort sem þeir verða tónlistarmenn eða hasla sér völl á öðrum sviðum.

## Tónfræðanám

Í aðalnámskrá eru fleirtöluorðin tónfræði og tónfræðagreinar notuð sem samheiti fyrir ýmsar greinar, svo sem tónfræði, hljómfræði, tónheyrn, tónlistarsögu, formfræði og kontrapunkt. Tölvunám tengt tónlist telst einnig til tónfræðanáms, hvort heldur tölvun er notuð til tónsköpunar, nóttnaritunar, sem tóngjafi eða upptökutæki. Um tölvur í tónfræðanámi er nánar fjallað í tónfræðanámskrá.

Í samþættu tónfræðanámi fléttast þessar greinar með ýmsum hætti saman við margvíslega virknipætti, svo sem hljóðfæraleik, söng, hreyfingu, lestar, ritun, hlustun, greiningu og sköpun. Nauðsynlegt er að tónfræðanám tengist tónlist af ýmsu tagi við hæfi hvers aldurshóps, ekki síst þeirri tónlist sem nemendur fást við í hljóðfæraranámi eða kynnast með öðrum hætti. Enn fremur er æskilegt að taka mið af tónlistarlífi á hverjum stað og hverjum tíma.

Tónfræðanám fer að jafnaði fram samhliða hljóðfæraranámi. Gert er ráð fyrir samþættri kennslu tónfræðagreina í grunn- og miðnámi en í framhaldsnámi hafa skólar frjálsar hendur um hvort tónfræðagreinar eru kenndar samþættar eða aðskildar. Um inntak og námsþætti er nánar fjallað í tónfræðanámskrá.

Nauðsynlegt er að nemendur í rytmísku námi stundi sérhæft nám í tónfræðagreinum. Inntak og námsþættir tónfræða í rytmísku námi eru skilgreindir í námskrá í rytmískri tónlist.

### Tengsl tónfræða- og hljóðfæranáms

Nauðsynlegt er að góð tengsl séu á milli tónfræða- og hljóðfæranáms þannig að námið verði heildstætt og nýtist nemendum sem best. Gert er ráð fyrir að tónfræðanám fari alla jafna fram í hlóptímum. Jafnframt á tónfræðanám að vera samofin að allri hljóðfærakennslu og í nánum tengslum við þau viðfangsefni sem fengist er við í hljóðfæranáminu hverju sinni. Einnig er sjálfsagt að nýta hljóðfæri nemenda í tónfræðakennslunni. Mikilvægt er að skipulag og markviss samvinna kennara tryggi skilning nemenda á tengslum hljóðfæraleiks og tónfræðagreina.

### Samleikur og samsöngur

Samleikur og samsöngur er veigamikill hluti tónlistarnáms og mikilsverður vettvangur til að þjálfa nemendur enn frekar, víkka sjóndeildarhring, þroska tónlistarsmekk og auka þekkingu nemenda á fjölbreytilegum tónbókmennum umfram það sem unnt er í annarri kennslu innan skólastans. Samleikur og samsöngur hefur ótvírætt félagslegt gildi, eflir samkennd og tillitssemi, þroskar eiginleika til samskipta og samstarfs, jafnframt því að styrkja ábyrgðartilfinningu og sjálfsvitund. Tónlistariðkun í hópstarfi og ánægja af slíku samstarfi er jafnframt hvatning fyrir hvern og einn til framfara í tónlistarnáminu.

Mikilvægt er að nemendum gefist kostur á þátttöku í fjölbreyttum samleik og samsöng, bæði í minni og stærri hópum, svo sem kammerhópum af ýmsum stærðum, hljómsveitum, stórsveitum, kórum, popp-, rokk- og djasshljómsveitum.

## NÁMSMAT OG PRÓF

Í næstu þremur köflum er fjallað um námsmat í tónlistarskólum. Í þessum kafla eru almennar ábendingar um námsmat. Í næsta kafla er gerð grein fyrir áfangaprófum í tónlistargreinum og í þar næsta er fjallað um stigspróf sem tónlistarskólar hafa frjálsar hendur um að leggja fyrir nemendur.

Námsmat er öll viðleitni til að afla sem öruggastrar vitnesku um árangur skólastarfs og hvernig nemendum hefur tekist að ná settum markmiðum. Megintilgangur námsmats er að bæta nám og kennslu. Í því felst ekki síst að afla upplýsinga sem hjálpa nemendum við námið, örva þá og hvetja.

Námsmat á meðal annars að veita nemendum, foreldrum/forráðamönnum þeirra og kennurum upplýsingar um námsgengi nemenda, einkum frammistöðu, framfarir, ástundun og sókn að settum markmiðum. Þá þarf námsmat að gefa vísbindingar um það hvort námsmarkmið hafi verið raunhæf og kennsluaðferðir við hæfi. Enn fremur er mikilvægt að af námsmati sé unnt að draga ályktanir um það hvort skólastarfið sé í samræmi við námskrár og yfirlýst markmið skólans.

### Almennt um námsmat

Mikilvægt er að mat á árangri kennslu og framvindu náms sé fastur liður í skólastarfi. Með því að meta stöðu nemenda í upphafi námstímabils má meðal annars fá gagnlegar upplýsingar sem auðvelda skipulag kennslu og stuðla að markvissu námi.

Mat á námi verður að vera óhlutdrægt, heiðarlegt og sann-gjarnt. Reglulega þarf að meta alla þætti námsins, svo sem

áhuga, virkni, skilning, þekkingu og leikni, í samræmi við vægi þeirra í náminu. Markmið tónlistarnáms eru margvísleg og haegt að fara ýmsar leiðir til að ná þeim. Því er nauðsynlegt að matsaðferðir séu fjölbreytilegar og í samræmi við eðli settra markmiða.

Skólastjóri og kennrarar bera ábyrgð á námsmati innan hvers skóla, bæði einstökum þáttum þess og þeim aðferðum sem beitt er.

Suma námsþætti hentar að meta með prófum. Niðurstöður prófa veita upplýsingar um það hvernig nemendum hefur tekist að leysa tiltekin viðfangsefni á ákveðnum tíma samkvæmt markmiðum og skilgreindum kröfum námskrár. Annars konar aðferðir kunna að henta betur þegar meta þarf aðra þætti námsins. Til að veita upplýsingar um langtímaframfarir getur verið heppilegt að nota umsagnir eða dagbók um námsframvindu nemenda. Vel hentar einnig að nota gátlista,<sup>5</sup> umsagnir og aðrar huglægar aðferðir þegar meta á skapandi vinnu nemenda, þáttöku í samleik og samsöng, framkomu á tónleikum, yfirferð viðfangsefna og fjölbreytni í verkefnavali. Við námsmat má jafnframt beita ýmiss konar tækjabúnaði. Til dæmis má nefna hljóð- og myndupptökur sem gagnlegar eru við margs konar námsmat. Þær má meðal annars nota til að safna upplýsingum um virkni og samvinnu nemenda, leikni þeirra, skilning og afrakstur skapandi starfs. Upptökur geta auk þess nýst vel við sjálfsmat nemenda. Um meðferð þess efnis, sem þannig er safnað, gilda sömu reglur og um önnur námsmatsgögn, þar á meðal þau lög er á hverjum tíma gilda um persónuvernd og meðferð persónuupplýsinga og þær reglur sem settar eru með stoð í þeim lögum.

<sup>5</sup> Atriðalisti þar sem skráð er hvort nemandi hafi náð tökum á tilteknum þáttum í náminu. Á gátlista með matskvarða skráir kennari mat sitt á ákveðnum eiginleikum út frá fyrir fram gefnum viðmiðunum.

Formlegt mat á námsárangri fer fram með prófum. Annars végar eru áfangapróf og lúta þau ákveðnum reglum, sjá nánar bls. 33-44. Hins végar eru próf sem skólar hafa frjálsar hendur um, svo sem stigspróf, sjá nánar bls. 45-46, könnunarpróf og vorpróf.

Sjálfsmat nemenda, sem byggist á gagnrýninni hlustun og þekkingu, er nauðsynlegur hluti af vinnuferli í öllu tónlistarnámi. Einnig geta samræður milli nemenda og kennara um einstök verkefni eða námið í heild flokkast undir námsmat.

Starfsmönnum tónlistarskóla ber að gera nemendum og foreldrum/forráðamönnum vandlega grein fyrir því mati sem fram fer í skólanum eigi sjaldnar en árlega.

Óski nemandi eða foreldri/forráðamaður eftir skriflegrí umsögn um stöðu nemanda í námi er tónlistarskólum skylt að verða við slíkri beiðni.

Umsagnir og annan vitnisburð<sup>6</sup> þarf að setja fram á skýran og ótvíraðan hátt þannig að ekki fari á milli mála við hvað er átt. Ef vitnisburður er gefinn með tölum er nauðsynlegt að útskýra hvað þær merkja og hvernig þær eru fengnar. Sama á við ef notaðir eru bókstafir.

Skólum er frjálst að ákveða með hvaða hætti niðurstöður námsmats eru birtar nemendum og foreldrum/forráðamönnum þeirra. Æskilegt er að samræma framsetningu vitnisburðar innan hvers skóla.

Flytjist nemandi milli skóla er það á ábyrgð viðtökuskóla að meta stöðu hans í námi. Þetta á við um nemendur sem ekki hafa lokið áfangaprófi eða eru staddir milli áfangaprófa í námi sínu.

# ÁFANGAPRÓF

Við lok grunnnáms, miðnáms og framhaldsnáms skulu nemendur þreyta áfangapróf, annars vegar í hljóðfæraleyk og hins vegar í tónfræðagreinum. Ekki er nauðsynlegt að nemendur ljúki báðum hlutum áfangaprófs á sama ári en nemandi getur ekki þreytt miðpróf fyrr en grunnþrófi er að fullu lokið. Sömuleiðis þarf að ljúka báðum hlutum miðþrófs áður en framhaldspróf er tekið. Til að ljúka framhaldsprófi þarf nemandi að halda sjálfstæða tónleika innan eða utan skólans, auk þess að standast próf í hljóðfæraleyk og tónfræðagreinum.

## Skipulag og tilgangur

Tilgangur áfangaprófa er fjölpættur. Prófunum er ætlað að skera úr um hvort og að hve miklu leyti nemendur uppfylla ákveðnar samræmdar kröfur um hæfni. Þeim er einnig ætlað að afla upplýsinga um nám og kennslu á vissum sviðum innan tónlistarskóla, meta frammistöðu nemenda í samræmi við markmið og kröfur aðalnámskrár og gera nemendum grein fyrir eigin frammistöðu í hverjum prófþætti. Enn fremur eru prófin lokapróf úr viðkomandi áfanga innan tónlistarskólans.

Áfangapróf í hljóðfæraleyk geta farið fram hvenær sem er skólaársins. Gert er ráð fyrir að nemendur þreyti próf þar sem þeir stunda nám en skólum er þó heimilt að sameinast um prófstað eða prófstaði sé það hagkvæmara.

## Samræming mats og prófdæming

Til að tryggja samræmi, hlutlaust mat og þar með sem áreiðanlegastar niðurstöður á áfangaprófum í hljóðfæraleyk skulu utanaðkomandi prófdómarar dæma prófin.<sup>7</sup> Miðað er við að á grunnþrófi geti sami prófdómari dæmt próf á öll hljóðfæri. Á miðþrófi dæma prófdómarar einungis próf

7 Frekari útfærsla á samræmingu mats og prófdæmingu er í höndum nefndar á vegum tónlistarskóla, rekstraraðila þeirra og menntamálaráðuneytis.

innan síns hljóðfæraflokkus. Gert er ráð fyrir eftirfarandi flokkun hljóðfæra: a) Tréblásturshljóðfæri, b) málmblasturshljóðfæri, c) strokhljóðfæri, d) hljómborðshljóðfæri, þ.m.t. harmonika, e) rytmísk hljóðfæri, þ.e. öll hljóðfæri sem kennt er á í rytmísku námi, þ.m.t. rafgítar, bassi, hljómborð og söngur, f) gítar, g) harpa, h) einsöngur, i) ásláttarhljóðfæri. Prófdómarar á framhaldsprófi skulu hins vegar vera sérfræðingar á viðkomandi hljóðfæri.

### Einkunnagjöf og lágmarkseinkunn

Á áfangaprófum í hljóðfæraleik skal bæði gefa skriflegar umsagnir um hvern prófpátt og einkunn í tölustöfum (einingum).<sup>8</sup> Frammistaða nemanda í sérhverjum prófpætti er metin til eininga allt að tilgreindu hámarki. Samanlagður hámarkseiningafjöldi allra prófpáttá á hverju prófi er 100 einingar og skal gefið í heilum einingum. Einkunn er reiknuð á þann hátt að deilt er í heildareiningafjölda með 10. Nota skal hundrað eininga kvarða og tilgreina einkunn með tölunum 1 til 10 og einum aukastaf, t.d. gefa 79 einingar einkunnina 7,9. Gerð er grein fyrir vægi prófpáttá í umfjöllun um einstök áfangapróf á bls. 37-42. Til að standast áfangapróf þarf nemandi að ná samtals 60 einingum í hljóðfæraleik, sem samsvarar lágmarkseinkunn 6,0, og jafnframt að hljóta sömu lágmarkseinkunn í tónfræðagreinum. Sjá nánar á bls. 37-41.

### Prófskírteini

Prófskírteini, sem notuð eru á áfangaprófum, eru tvenns konar. Annars vegar eru vitnisburðarblöð þar sem fram koma einkunnir og umsagnir fyrir viðkomandi prófhulta og hins vegar áfangaprófsskírteini án einkunna og umsagna. Vitnisburðarblöð skulu afhent nemanda að loknum hverjum prófhulta. Áfangaprófsskírteini eru afhent þegar nemandi hefur lokið áfangaprófi að öllu leyti.

## Lengd prófa

Til að tryggja að próftími fari ekki fram úr hófi eru sett viðmið um hámarkslengd áfangaprófa. Miða skal við að heildarpróftími á grunnprófi í hljóðfæraleyk fari ekki fram yfir 30 mínútur, próftími á miðprófi ekki fram yfir 45 mínútur og framhaldspróf taki ekki lengri tíma en eina klukkustund. Í öllum tilfellum er átt við heildarpróftíma og gert ráð fyrir að allir prófpættir, þar með talinn flutningur tónstiga og hljóma, valþáttur og óundirbúinn nótnalestur, ásamt eðlilegum hvíldartíma milli prófpátta, rúmist innan gefinna tímamarka.

## Almennar prófreglur - hljóðfæra- og tónfræðapróf

1. Kennrar bera faglega ábyrgð á undirbúningi nemenda og á því að meta hvenær þeir eru tilbúnir til að breyta áfangapróf í hljóðfæraleyk og tónfræðum.
2. Það ræðst eingöngu af heildareinkunn allra prófpátta í hljóðfæraleyk og tónfræðum hvort nemandi stenst próf eða ekki. Til að standast áfangapróf þarf nemandi að ná samtals 60 einingum í hljóðfæraleyk, sem samsvarar lágmarkseinkunn 6,0, og jafnframt að hljóta sömu lágmarkseinkunn í tónfræðagreinum.<sup>9</sup>
3. Kennurum ber að útskýra fyrir nemendum og foreldrum/forráðamönnum hvað niðurstöður hljóðfæra- og tónfræðaprófa merkja.
4. Komi til ágreinings um einkunnagjöf eiga nemandi og foreldri/forráðamaður rétt á að fá ítarlegar útskýringar á forsendum og niðurstöðum mats, bæði í hljóðfæra- og tónfræðaprófum.

<sup>9</sup> Til að standast framhaldspróf í tónfræðagreinum þarf lágmarkseinkunnina 6,0 í hverri grein, sjá nánar í námskrá tónfræðagreina.

## Prófreglur - hljóðfærapróf

1. Við val prófverkefna skal kennari gæta þess að lengd prófsins sé í samræmi við tímamörk aðalnámskrár. Miðað er við að prófverkefni séu leikin til enda.
2. Kennari skal gæta þess að þyngd prófverkefna sé í samræmi við kröfur námskrár.
3. Fylgja skal fyrirmælum námskrár um fjölda, inntak og umfang prófþátta. Þannig getur t.d. eitt langt verk ekki komið í stað tveggja styttri og einstakir kaflar sama tónverks ekki talist aðskildir prófþættir.
4. Fylgja skal fyrirmælum námskrár varðandi tónstiga og hljóma sem undirbúnir skulu fyrir hvert áfangapróf. Á prófi velur prófdómari hvaða tónstigar og hljómar eru leiknir.
5. Nemandi ræður röð prófverkefna.
6. Áfangapróf skulu einungis dæmd af utanaðkomandi prófdómurum.
7. Gæta skal þess að sami prófdómari dæmi ekki mörg ár í röð í sama skóla.
8. Kennari skal leggja verkefnista prófsins fyrir prófdómar að fyrir upphaf prófs. Próf fer því aðeins fram að verkefni uppfylli kröfur viðeigandi námskrár samkvæmt mati og staðfestingu prófdómara.
9. Prófdómari er ábyrgur fyrir því að nemandi fái hæfilegt prófverkefni í óundirbúnum nótnalestri.
10. Kennara er heimilt að vera viðstaddur áfangapróf, enda hafi hann ekki áhrif á niðurstöður prófdómara.
11. Prófdómari dæmir frammistöðu nemandans á prófi án tillits til hugsanlegra skýringa eða athugasemda.
12. Prófdómara ber að gera nemendum grein fyrir mati sínu á hverjum þætti prófsins með skriflegri umsögn og töluum, bæði hvað vel var gert og hvað betur hefði mátt fara.
13. Prófdómari skal vera viðstaddur framhaldsprófstónleika og gefa skriflega umsögn um frammistöðu nemandans. Sé þess nokkur kostur skal það vera sami prófdómari og dæmdi framhaldspróf viðkomandi nemandu.

Nánari prófreglur um tónfræðapróf er að finna í tónfræðanámskrá.

## Grunnpróf tónlistarskóla

Grunnpróf tónlistarskóla er tvíþætt: hljóðfærapróf og tónfræðapróf. Til að standast prófið þarf 60 einingar af 100 mögulegum í hljóðfæraleik, þ.e. lágmarkseinkunn er 6,0. Sömu lágmarkseinkunn þarf í tónfræðagreinum. Ekki eru gerðar kröfur um lágmarksárangur í einstökum prófþáttum. Ekki þarf að ljúka báðum þáttum prófsins á sama árinu.

## Hljóðfærapróf

Miða skal við að heildarpróftími á grunnprófi í hljóðfæraleik fari ekki fram yfir 30 mínútur. Á prófinu skal nemandi að minnsta kosti flytja eitt verk utanbókar samkvæmt prófþætti 1 eða æfingu samkvæmt prófþætti 2.

### Prófþættir eru þessir:

1. **Prjú ólík verk** (15 einingar hvert) í samræmi við kröfur greinanámskrár.
2. **Æfing** (15 einingar) í samræmi við kröfur greinanámskrár.
3. **Tónstigar og hljómar** (15 einingar) í samræmi við kröfur greinanámskrár.
4. **Val** (10 einingar). Nemandi velji eitt eftirtalinna viðfangsefna:
  - a) Spinni einradda út frá gefnu upphafi, hljómferli eða lagi, með eða án undirleiks.
  - b) Leiki frumsamið verk eða eigin útsetningu.
  - c) Hljómsetji stutta laglínú óundirbúið.
  - d) Leiki stutt alþýðulag eða þjóðlag sem lært hefur verið eftir eyra. Söngnemendur skulu flytja lagið undirleikslauost.
5. **Óundirbúinn nóttnalestur** (10 einingar).
6. **Heildarsvipur** (5 einingar).

Próf í einsöng, slagverksleik og rytmísku námi falla ekki algjörlega að þessum prófpáttum. Nánar er gerð grein fyrir útfærslu prófpáttta í þessum greinum í viðkomandi greinanámskrám.

### Tónfræðapróf

Prófkrfur á grunnprófi í tónfræðagreinum miðast við þekkingu og færni nemenda við lok grunnnáms.

Í tónfræðanámskrá er gerð nánari grein fyrir einstökum prófpáttum, inntaki þeirra og framkvæmd prófsins.

### Miðpróf tónlistarskóla

Til að geta þreytt miðpróf tónlistarskóla þarf nemandi áður að hafa lokið grunnprófi að fullu. Miðprófið er tvíþætt: hljóðfærapróf og tónfræðapróf. Til að standast prófið þarf 60 einingar af 100 mögulegum í hljóðfæraleik, þ.e. lágmarkseinkunn er 6,0. Sömu lágmarkseinkunn þarf í tónfræðagreinum. Ekki eru gerðar kröfur um lágmarksárangur í einstökum prófpáttum. Ekki þarf að ljúka báðum þáttum prófsins á sama árinu.

### Hljóðfærapróf

Miða skal við að heildarpróftími á miðprófi í hljóðfæraleik fari ekki fram yfir 45 mínútur. Á prófinu skal nemandi að minnsta kosti flytja eitt verk utanbókar samkvæmt prófbætti 1 eða æfingu samkvæmt prófbætti 2.

#### Prófpættir eru þessir:

- 1. Þrjú ólík verk** (15 einingar hvert) í samræmi við kröfur greinanámskrár.
- 2. Æfing** (15 einingar) í samræmi við kröfur greinanámskrár.
- 3. Tónstigar og hljómar** (15 einingar) í samræmi við kröfur greinanámskrár.
- 4. Val** (10 einingar). Nemandi velji eitt eftirtalinna viðfangsefna:

- a) Leiki verk að eigin vali af sambærilegri þyngd og önnur miðprósverkefni.
  - b) Spinni einradda út frá gefnu upphafi, hljómferli eða lagi með eða án undirleiks.
  - c) Leiki frumsamið verk eða eigin útsetningu.
  - d) Hljómsetji stutta laglínú óundirbúið.
- 5. Óundirbúinn nótnalestur** (10 einingar).
- 6. Heildarsvipur** (5 einingar).

Próf í einsöng, slagverksleik og rytmísku námi falla ekki algjörlega að þessum prófpáttum. Nánar er gerð grein fyrir útfærslu prófpáttá í þessum greinum í viðkomandi greinanámskrám.

### Tónfræðapróf

Prófkröfur á miðprófi í tónfræðagreinum miðast við þekkingu og færni nemenda við lok miðnáms.

Í tónfræðanámskrá er gerð nánari grein fyrir einstökum prófpáttum, inntaki þeirra og framkvæmd prófsins.

### Framhaldspróf tónlistarskóla

Framhaldspróf er lokapróf á námsferli í tónlistarskóla. Til að geta þreytt prófið þarf nemandi áður að hafa lokið miðprófi að fullu.

Framhaldspróf tónlistarskóla er þríþætt: hljóðfærapróf, tónfræðapróf og tónleikar. Til að standast prófið þarf 60 einingar af 100 mögulegum í hljóðfæraleik, þ.e. lágmarks-einkunn er 6,0. Sömu lágmarkseinkunn þarf í tónfræðagreinum. Ekki þarf að ljúka öllum þáttum prófsins á sama árinu en útskrift fer ekki fram fyrr en þeim er öllum lokið. Í vissum greinanámskrám er gert ráð fyrir að nemendur ljúki tilteknum námsáföngum á aukahljóðfæri áður en framhaldsprófi er lokið á aðalhljóðfæri.

Próf í hljóðfæraleik miðast annaðhvort við prófgerð I – hljómsveitarhljóðfæri eða prófgerð II – önnur hljóðfæri. Próf í einsöng, slagverksleik og rytmísku námi falla þó ekki algjörlega að þessum prófgerðum. Nánar er gerð grein fyrir útfærslu prófþáttta í þessum greinum í viðkomandi greinanámskrám.

### Hljóðfærapróf

Miða skal við að heildarpróftími á framhaldsprófi í hljóðfæraleik fari ekki fram yfir 60 mínútur. Á prófinu skal nemandi að minnsta kosti flytja eitt verk utanbókar samkvæmt prófþætti 1 eða æfingu samkvæmt prófþætti 2.

#### Prófgerð I – hljómsveitarhljóðfæri

##### Prófþættir eru þessir:

1. **Þrjú ólík verk** (12 einingar hvert) í samræmi við kröfur greinanámskrár.
2. **Æfing** (12 einingar) í samræmi við kröfur greinanámskrár.
3. **Útdráttir úr hljómsveitarverkum** (12 einingar) í samræmi við kröfur greinanámskrár.
4. **Tónstigar og hljómar** (15 einingar) í samræmi við kröfur greinanámskrár.
5. **Val** (10 einingar). Nemandi velji eitt eftirtalinna viðfangsefna:
  - a) Leiki verk að eigin vali af sambærilegri þyngd og önnur framhaldsprófsverkefni.
  - b) Leiki samleiksverk þar sem hann gegnir veigamiklu hlutverki.
  - c) Leiki tónverk á annað hljóðfæri úr sömu fjölskyldu og aðalhljóðfæri ef kostur er gefinn á slíku í viðeigandi greinanámskrá.
6. **Óundirbúinn nóttnalestur** (10 einingar).
7. **Heildarsvipur** (5 einingar).

## Prófgerð II – önnur hljóðfæri

**Prófþættir eru þessir:**

1. **Þrjú ólík verk** (15 einingar hvert) í samræmi við kröfur greinanámskrár.
2. **Æfing** (15 einingar) í samræmi við kröfur greinanámskrár.
3. **Tónstigar og hljómar** (15 einingar) í samræmi við kröfur greinanámskrár.
4. **Val** (10 einingar). Nemandi velji eitt eftirtalinna viðfangsefna:
  - a) Leiki verk að eigin vali af sambærilegri þyngd og önnur framhaldsprófsverkefni.
  - b) Leiki samleiksverk þar sem hann gegnir veigamiklu hlutverki.
  - c) Leiki tónverk á annað hljóðfæri úr sömu fjölskyldu og aðalhljóðfæri ef kostur er gefinn á slíku í viðeigandi greinanámskrár.
5. **Óundirbúinn nóttnalestur** (10 einingar).
6. **Heildarsvipur** (5 einingar).

### Tónfræðapróf

Í tónfræðanámskrá er gerð grein fyrir þeim lágmarkskröfum sem nemendur þurfa að uppfylla til að ljúka framhaldsprófi í tónfræðagreinum. Einnig er gerð grein fyrir einstökum prófþáttum, inntaki þeirra, framkvæmd prófa og lágmarkseinkunn. Á framhaldsprófi skal gefið fyrir próf í einstökum tónfræðagreinum. Til að standast próf þarf lágmarkseinkunnina 6,0 í hverri grein.

### Tónleikar

Að loknu framhaldsprófi í hljóðfæraleyk skal nemandi leika 30–60 mínútna langa efnisskrá á tónleikum innan eða utan skólans. Fyrir frammistöðu á tónleikunum er gefin umsögn en ekki einkunn. Ekki er nauðsynlegt að halda tónleikana á sama skólaári og hljóðfæraprófið fer fram. Séu prófið og tónleikarnir haldnir á sama skólaári er heimilt að nota alla

efnisskrá prófsins á tónleikunum. Fari tónleikar fram síðar skal að minnsta kosti helmingur efnisskrárinnar endurnýjaður. Gæta þarf þess að efnisskrá sé fjölbreytt og vel saman sett.

## Námslok

Til að ljúka framhaldsprófi tónlistarskóla þurfa nemendur að standast próf í hljóðfæraleyk og tónfræðagreinum samkvæmt námskrá, jafnframt því að ljúka tónleikapætti framhaldsprófsins.

## Skýringar við einstaka prófpætti á áfangaprófum

Hér á eftir fara stuttar skýringar á prófpáttum á áfangaprófum sem hafa ber til hliðsjónar þegar áfangapróf er undirbúið.

## Tónverk og æfingar

Velja skal verkefni á áfangaprófum með hliðsjón af viðeigandi greinanámskrá. Gæta skal þess að verkefnaval sé fjölbreytt og að nemendur leiki verk frá mismunandi tímabilum.

## Tónstigar og hljómar

Í greinanámskrám er að finna ákvæði um hvaða tónstiga og hljóma nemendur skulu undirbúa fyrir hvert áfangapróf. Enn fremur eru í greinanámskrám fyrirmæli um tónsvið, hraða og annan leikmáta. Á prófi velur prófdómari hvaða tónstigar og hljómar eru leiknir. Prófkröfur varðandi leik tónstiga og hljóma eru ekki fyllilega samræmdar á milli hljóðfæraflokka, enda eðli og hefðir hljóðfæranna ólíkar.

## Útdráttir úr hljómsveitarverkum

Geri greinanámskrá ráð fyrir að nemendur þjálfist í leik útdrátta úr hljómsveitarverkum skal prófa sérstaklega í þeim námsþætti á framhaldsprófi og miðaðst prófið þá við prófgerð I. Um er að ræða útdrátti úr hljómsveitarverkum þar sem viðkomandi hljóðfæri gegnir veigamiklu hlutverki. Undirbúa skal a.m.k. staði úr þremur tónverkum. Prófdómari velur hvað leikið er á prófinu.

### Val – grunnpróf

Á grunnprófi er nemanda gefinn kostur á að velja eitt eftir-talinna viðfangsefna:

- Nemandi spinni út frá gefnu upphafi, einföldu hljóm-ferli eða lagi. Nemandi getur valið hvort hann spinnur með eða án undirleiks og er miðað við að hann hafi haft tækifæri til að undirbúa þennan prófþátt.
- Nemandi flytji frumsamið verk eða eigin útsetningu. Þess er ekki krafist að nemandinn hafi skráð verkið. Heimilt er að leika frumsamið samleiksverk, að því til-skildu að höfundur gegni þar lykilhlutverki.
- Nemandi hljómsetji stutta laglínu. Þetta á við um þá nemendur sem geta leikið hljóma á hljóðfæri sín.
- Nemandi leiki stutt alþýðulag eða þjóðlag sem hann hefur lært eftir eyra. Miðað er við að tónsvið lagsins sé í samræmi við getu nemanda og námsstig og að lagið sé flutt einradda, með eða án undirleiks. Söngnemendum er þó skylt að flytja lagið án undirleiks.

### Val – miðpróf

Á miðprófi er nemanda gefinn kostur á að velja eitt eftir-talinna viðfangsefna:

- Nemandi leiki tónverk að eigin vali. Tónverkið skal vera af sambærilegri þyngd og önnur miðprófsverkfni. Þessi valþáttur er þannig sambærilegur einstökum liðum í prófþætti 1 og gefur möguleika á að nemandi sýni enn aukna stírlæna breidd í tónlistarflutningi.
- Nemandi spinni út frá gefnu upphafi, einföldu hljóm-ferli eða lagi. Nemandi getur valið hvort hann spinnur með eða án undirleiks og er miðað við að hann hafi haft tækifæri til að undirbúa þennan prófþátt.
- Nemandi flytji frumsamið verk eða eigin útsetningu. Þess er ekki krafist að nemandinn hafi skráð verkið. Heimilt er að leika frumsamið samleiksverk, að því til-skildu að höfundur gegni þar lykilhlutverki.
- Nemandi hljómsetji stutta laglínu. Þetta á við um þá nemendur sem geta leikið hljóma á hljóðfæri sín.

### **Val – framhaldspróf**

Á framhaldsprófi er nemanda gefinn kostur á að velja á eitt eftirtalinna viðfangsefna:

- a) Nemandi leiki tónverk að eigin vali af sambærilegri þyngd og önnur framhaldsprófsverkefni. Þessi valþáttur gefur möguleika á að nemandi sýni enn aukna stírlæna breidd í tónlistarflutningi.
- b) Nemandi leiki samleiksverk þar sem próftaki gegnir lykilhlutverki. Miðað er við að samleiksverkið sé af sambærilegri þyngd og önnur framhaldsprófsverkefni.
- c) Nemandi leiki tónverk á annað hljóðfæri úr sömu hljóðförfjölskyldu og aðalhljóðfæri ef kostur er gefinn á slíku í viðeigandi greinanámskrá.

### **Óundirbúinn nótalestur**

Á áfangaprófi fær nemandi eina mínútu til að líta yfir lestrardæmið í hljóði og skal síðan flytja verkefnið einu sinni. Geri greinanámskrá viðkomandi hljóðfæris ráð fyrir tónflutningi á viðkomandi áfangaprófi skal hann prófaður undir þessum lið og gildir þá helming af vægi prófþáttarins (5 einingar af 10). Ef tónflutningur er prófaður fær nemandi sérstakt tónflutningsdæmi sem leika skal einu sinni eftir einnar mínútu undirbúningstíma í hljóði. Prófverkefni í óundirbúnum nótalestri skulu vera stutt og í samræmi við markmið í viðeigandi greinanámskrám.

### **Heildarsvipur**

Á áfangaprófum er gefin sérstök einkunn fyrir framkomu, listræna túlkun, öryggi og yfirbragð prófsins.



## STIGSPRÓF

Tónlistarskólum er í sjálfsvald sett hvort námi innan áfanga er skipt niður í stig. Jafnframt hafa skólar frjálsar hendur um önnur próf en áfangapróf. Fyrir þá skóla sem kjósa að halda stigspróf á milli áfangaprófa fara hér á eftir nokkrar ábendingar.

### Skipulag

Í greinanámskrám eru skilgreind markmið og gerð grein fyrir námskröfum við lok grunnnáms, miðnáms og framhaldsnáms. Tónlistarskólar geta skilgreint markmið og námskröfur fyrir einstök stig innan áfanganna en gæta þarf samræmis við þær námskröfur og markmið sem nemendur þurfa að hafa náð við lok viðkomandi áfanga. Þannig er tónlistarskólum heimilt að skipta grunnnámi í þrjú stig, miðnámi í tvö stig og framhaldsnámi í tvö stig, alls sjö stig.

Skólum er heimilt að halda stigspróf á milli áfangaprófa, þ.e. við lok I., II., IV. og VI. stigs, en grunnpróf kemur í stað III. stigs, miðpróf í stað V. stigs og náminu lýkur með framhaldsprófi sem kemur í stað VII. stigs. Ef tekin eru stigspróf í hljóðfæraleik er mælt með því að prófin séu með líku sniði og áfangapróf, einkum hvað varðar fjölda og vægi prófþátta. Þannig miðist I. og II. stigs próf við grunnpróf, IV. stigs próf við miðpróf og VI. stigs prófið við framhaldspróf. Verkefnaval og þyngdarstig stigsprófa er alfarið á ábyrgð hvers skóla.

Ef tekin eru stigspróf í tónfræðagreinum er mælt með sambærilegri tilhögum og á áfangaprófum, þ.e. að prófa í sömu námsþáttum og hafa hliðsjón af greinanámskrá í tónfræðum.

## **Prófdæming og einkunnagjöf**

Hver skóli ber ábyrgð á prófdæmingu stigsprófa. Þótt ekki séu gerðar sömu kröfur til prófdómara sem dæma stigspróf og prófdómara á áfangaprófum er mikilvægt að vanda til prófdæmingar.

Setji skólar reglur um einkunnagjöf og lágmarkseinkunn á stigsprófum er mælt með að hafa þær sambærilegar því sem gildir um áfangapróf.

Mikilvægt er að nemendur fái ætlið skriflega umsögn um frammistöðu sína á stigsprófum í hljóðfæraleik.



# RÉTTINDI, SKYLDUR, MEÐFERÐ MÁLA OG UPPLÝSINGA

## Skólasókn

Nemendur skulu sækja allar kennslustundir og koma stundvíslega til kennslu. Í skólanámskrá skal gerð grein fyrir þeim reglum sem gilda um frávik frá skólasókn. Þar skal meðal annars koma fram hvernig brugðist er við veikindum nemenda og öðrum óhjákvaemilegum forföllum. Sömuleiðis skal gerð grein fyrir viðurlögum við brotum á reglum um skólasókn.

## Meðferð gagna

Gögn í vörlu skóla, sem hafa að geyma persónulegar upplýsingar um nemendur, skal farið með í samræmi við ákvæði laga nr. 121/1989, um skráningu og meðferð persónuupplýsinga, og ákvæði upplýsingalaga, nr. 59/1996, eftir því sem við á. Vakin er sérstök athygli á því að starfsfólk í tónlistarskóla er bundið trúnaði og óheimilt er að veita persónulegar upplýsingar um nemanda úr skólaskrám án samþykksis þess sem í hlut á og foreldra/forráðamanna ef um er að ræða nemanda yngri en 18 ára.

## Upplýsingaskylda gagnvart foreldrum/forráðamönnum

Óski foreldrar/forráðamenn nemanda, sem er yngri en 18 ára, eftir upplýsingum frá tónlistarskóla um námsframvindu, skólasókn eða annað sem tengist barni þeirra sérstaklega þá ber skólastjórnendum að veita þær upplýsingar.

Þegar nemandi hefur náð sjálfræðisaldri er einungis heimilt að veita honum sjálfum, eða þeim sem nemandinn veitir skriflegt umboð, persónulegar upplýsingar úr gagnasafni skólans.

### **Meðferð mála**

Leitast skal við að leysa ágreiningsmál innan skóla. Mikilvægt er að skrá feril máls og halda gögnum til haga þegar ágreiningur kemur upp innan skólans eða þegar um brot á skólareglum er að ræða. Æskilegt er að skólastjórnendur tónlistarskóla setji reglur um hvernig bregðast skal við ágreiningi, meðal annars um niðurstöður námsmats og prófa. Við meðferð mála skal sérstaklega gæta ákvæða laga nr. 121/1989, um skráningu og meðferð persónuupplýsinga, og upplýsingalaga, nr. 50/1996.

### **Samskipti nemenda og starfsfólks skóla**

Telji nemandi eða forráðamenn hans, sé nemandinn yngri en 18 ára, að brotið hafi verið á rétti nemandans, sbr. skólarreglur, þannig að ástæða sé til að bera fram kvörtun skulu þeir snúa sér til viðkomandi kennara. Takist ekki að leysa málið tekur skólastjóri það til umfjöllunar og ákvarðar um viðbrögð.

### **Brottvikning úr skóla**

Áður en nemanda er vikið úr skóla skal hann hafa fengið skriflega viðvörun frá skólastjóra. Endanleg brottvikning úr skóla er á ábyrgð skólastjóra.



## TENGSL HEIMILA OG SKÓLA

Þrír hópar mynda skólasamfélagið í hverjum skóla, þ.e. nemendur, starfsfólk skólans og foreldrar/forráðamenn. Mikilvægt er að allir vinni vel saman að móttun þessa samsfélags og þeirra umgengnisháttar sem eiga að einkenna samskipti innan skólans og utan.

Menntun og velferð nemenda er sameiginlegt verkefni heimila og skóla. Samstarfið þarf að byggjast á samábyrgð, gagnkvæmri upplýsingamiðlun, virðingu og trausti. Loks er mikilvægt að traust samstarf sé milli heimila og skóla um skólastarfið í heild. Gert er ráð fyrir að foreldrar geti tekið þátt í að koma markmiðum skólastarfs í framkvæmd í samstarfi við skólann.

### Upplýsingamiðlun

Gott samstarf heimilis og tónlistarskóla er afar þýðingarmikið, ekki síst með tilliti til þess að tónlistarnám er að miklu leyti sjálfsnám sem fram fer á heimilum nemenda. Mikilvægt er því að koma á og viðhalda traustu sambandi milli skóla og heimila.

Gagnkvæm og virk upplýsingagjöf milli foreldra/forráðamanna og starfsfólks skóla stuðlar að trausti milli aðila. Með auknum kynnum foreldra/forráðamanna af daglegu starfi í tónlistarskólanum og skipulegri samvinnu um skólastarfið, t.d. í tengslum við heimanám, aukast líkur á velliðan nemenda og góðum árangri. Mikilvægt er að foreldrar fylgist vel með skólagöngu barna sinna, líðan þeirra í skóla, námsárangri og framförum. Brýnt er að skólar gefi reglulega skýrar og góðar upplýsingar um skólastarfið sem og um starfsáætlunar skólans. Þetta má gera með ýmsum hætti, svo sem með bréfum, heimsóknum foreldra/forráðamanna nemenda í skólann, foreldravíðtölum,

kynningarfundum, í skólanámskrá og á vefsíðu skólans, allt eftir aðstæðum á hverjum stað.

### **Foreldrafélög**

Vel rekin og virk foreldrafélög við hvern tónlistarskóla eru tvímælalaust af hinu góða. Foreldrafélög geta jafnframt veitt skólum og skólayfirvöldum virkt og uppbyggjandi aðhald og lagt fram raunhæfar tillögur til umbóta.

Foreldra- og styrktarfélög hafa víða verið stofnuð og reynst tónlistarskólum og einstökum hópum innan þeirra mikilsverð stoð.



## SAMVINNA Í SKÓLASTARFI

Samvinna er lykilatriði í öllu skólastarfi, órjúfanleg frá námi og kennslu. Fjölbætt samvinna er fastur liður í innra starfi skóla en margvíslegt samstarf á sér jafnframt stað við aðila utan veggja skólans. Samvinna getur aukið fjölbreytni í skólastarfinu, auðgað samfélagið og verið skólunum og samstarfsaðilum þeirra giftudrjúg.

### Samstarf tónlistarskóla og leikskóla

Samvinna tónlistarskóla og leikskóla getur verið báðum aðilum styrkur í starfi. Samstarfið má skipuleggja með ýmsu móti eftir aðstæðum hverju sinni. Nefna má heimsóknir leikskólabarna í tónlistarskóla og tónlistarnema í leikskóla, tónlistarflutning ýmiss konar og samvinnu um reglulegt tónlistaruppeldi leikskólabarna. Við upphaf náms ungra barna í tónlistarskólum er æskilegt að taka tillit til þeirrar tónlistarreynslu sem nemendur hafa úr leikskóla.

### Samstarf tónlistarskóla og grunnskóla

Í grunnskólum fer fram skyldunám sem er skilgreint í aðalnámskrá grunnskóla. Meðal námsgreina grunnskólans er tónmennt sem er skyldunámsgrein í 1.-8. bekk en ein af valgreinum í 9. og 10. bekk. Í tónlistarskólum fer hins vegar fram valfrjálst nám í tónlistargreinum. Meirihluti nemenda í tónlistarskólum er á grunnskóalaaldri.

Tengsl og samstarf milli tónlistarskóla og grunnskóla eru tvennis konar, annars vegar fagleg og hins vegar skipulagsleg.

Meðal faglegra tengsla má einkum nefna sameiginleg markmið. Sum þeirra eru almenns eðlis á sviði uppeldis, svo sem að fræða, miðla þekkingu og stuðla að alhlíða þroska nemenda, ekki síst tilfinninga- og félagsþroska.

Önnur sameiginleg markmið lúta að námi og kennslu, ekki síst að veita nemendum tækifæri til að iðka tónlist, njóta hennar og fást við skapandi starf. Leiðir skólanna að markmiðum eru hins vegar með nokkuð mismunandi hætti og kemur það fram í innra starfi þeirra. Í grunnskólum eru leiðir miðaðar við það sem hæft getur öllum nemendum, áhuga þeirra, smekk og þroska. Þar er tónmennt hluti af stórrri heild allra námsgreina skyldunáms. Í tónlistarskólum eru hins vegar farnar sérhæfðari leiðir, miðaðar við þarfir nemenda skólans. Þar fer fram nám í einni listgrein sem í skólastarfinu skiptist í ýmsar námsgreinar hljóðfæra-leiks, söngs og tónfræða.

Skipulagsleg tengsl og samstarf koma fram í skólastarfinu sjálfu. Skilyrði til samstarfs eru þó breytileg eftir aðstæðum, meðal annars eftir stærð skóla og hvort þeir starfa í þéttbýli eða strjálbýli. Nálægð tónlistarskóla og grunnskóla er misjöfn, í sumum tilvikum starfa þeir jafnvel í sömu húsakynnum. Jafnframt er leið nemenda í skólana misjafnlega löng. Vegna einsetningar og lengingar skóladags í grunnskólum er vaxandi þörf fyrir að tónlistarskólar og grunnskólar komi til móts við nemendur og foreldra í því hagsmunamáli að hafa tónlistarnám, einkum yngstu nemendanna, á venjulegum skólatíma og innan viðkomandi skólahverfis. Þetta þýðir jafnframt vaxandi þörf á samvinnu tónlistarskóla og grunnskóla. Af þessum ástæðum er leitað leiða til að samhæfa skólatímann og þar með stundaskrárgerð, jafnframt því að koma á ýmiss konar samnýtingu í skipulagi og framkvæmd skólastarfs. Í því sambandi er mikilsvert að milli skólanna, stjórnenda þeirra og skólayfirvalda ríki samstarfsvilji. Þetta er forsenda fyrir því að tónlistarskólar og grunnskólar nái árangri í samstarfi sín á milli og hafi stuðning hvorir af öðrum.

Skipulag samstarfs tónlistarskóla og grunnskóla getur verið með ýmsum hætti og verður augljóslega breytilegt eftir aðstæðum hverju sinni. Skólnir geta sameinast um að

standa að einstökum verkefnum, svo sem listkynningum, hátíðum, leikritum, söngleikjum og þemaverkefnum. Einnig getur verið um að ræða gagnkvæmar heimsóknir, hljóðfærakynningar í grunnskólum, sameiginlegan kór eða hljómsveit, samnýtingu húsnæðis, tækjakosts og skóla-aksturs eða jafnvel samkennslu nemenda. Vettvangur fyrir afrakstur af samstarfi skólanna er einkum tónleikar og aðrir menningarviðburðir þar sem nemendur skólanna leggja sitt að mörkum með flutningi tónlistar af ýmsu tagi.

Fari kennsla á vegum tónlistarskóla fram innan grunnskóla og í húsnæði hans þarf samvinna að vera markviss og vel skipulögð. Mikilvægt er að tónlistarkennslan örvi og styrki lögbundið skyldunám í tónmennt jafnframt því að efla tónlistarlíf skólans og byggðarlagsins. Gæta þarf þess að kennsla, allur aðbúnaður, kennsluaðstaða, hljóðfæri og tækjakostur sé í samræmi við aðalnámskrá tónlistarskóla. Þá er og mikilvægt að næði sé til kennslunnar og hljóðeinangrun góð.

Rétt er að vekja athygli á að nemendur 9. og 10. bekkjar geta óskað eftir að fá tónlistarnám metið sem valgrein í grunnskóla. Jafnframt skal bent á að óheimilt er að taka nemendum út úr kennslustundum í lögbundnu skyldunámi til að stunda annað nám utan aðalnámskrár grunnskóla, nema fyrir liggi skriflegt samþykki foreldra/forráðamanna og að nemendum verði bætt upp sú kennsla sem þeir fara á mis við af þessum ástæðum.

### **Samstarf tónlistarskóla og framhaldsskóla**

Eins og fram kemur í markmiðskafla aðalnámskrár er lögð áhersla á að tónlistarskólar þjóni öllum þeim sem sækjast eftir tónlistarnámi. Þannig ættu nemendur á framhaldsskóalaðri að eiga þess kost að kynnast tónlist og tónlistaríðkun í tónlistarskólum landsins engu síður en yngri nemendur. Hvatt er til þess að tónlistarskólar komi til móts við þroska, þarfir og óskir þessa aldurshóps með fjölbreyttu og

vönduðu námsframboði, hvort heldur um er að ræða byrjendur eða lengra komna nemendur.

### Tónlistarkjörsvið á listnámsbraut framhaldsskóla

Samkvæmt aðalnámskrá framhaldsskóla geta framhaldsskólar boðið upp á 105 eininga nám á listnámsbraut. Þar af er kjörsvið í viðkomandi listgrein 45 einingar. Listnámsbraut er skipulögð sem þriggja ára námsbraut.

Tvær leiðir eru til að ljúka tónlistarkjörsviði listnámsbrautar. Í báðum tilfellum þarf að ljúka framhaldsprófi í tónfræðagreinum samkvæmt aðalnámskrá tónlistarskóla. Nemandi, sem leikur á eitt aðalhljóðfæri, skal ljúka framhaldsprófi að fullu, samkvæmt viðeigandi greinanámskrá. Athygli er vakin á að samkvæmt aðalnámskrá tónlistarskóla þarf nemandi sem lýkur framhaldsprófi að halda sjálfstæða tónleika sem hluta prófsins. Nemendur, sem leika á tvö hljóðfæri, geta lokið tónlistarkjörsviði listnámsbrautar hafi þeir lokið miðprófi á bæði hljóðfærin. Námið jafngildir 45 einingum hvor leiðin sem farin er.

Fyrri leiðin er einkum ætluð nemendum sem stefna að því að gera hljóðfæraleik eða söng að aðalstarfi. Síðari leiðin er hins vegar hugsuð fyrir nemendur sem stefna á tónlistartengd störf, önnur en hljóðfæraleik. Gera má ráð fyrir að í vissum tilvikum þurfi tónlistarnemar eina til tvær annir til viðbótar til að ljúka tónlistarkjörsviði, umfram þau þrjú ár sem aðalnámskrá framhaldsskóla gerir ráð fyrir.

Ákvæði um inntökuskilyrði á listnámsbraut er að finna í aðalnámskrá framhaldsskóla. Hér er hins vegar mælt með því að nemendur hafi a.m.k. lokið miðprófi tónlistarskóla í tónfræðagreinum og séu komnir vel áleiðis í hljóðfæranámi þannig að ætla megi að þeir geti lokið prófum á tilsettum tíma.

Afar mikilvægt er að framhaldsskólar, sem bjóða upp á tónlistarkjörsvið listnámsbrautar eða tónlist sem valgrein, eigi greið og góð samskipti við þá tónlistarskóla sem hlut eiga að máli hverju sinni.

### Tónlistarnám á bóknámsbrautum framhaldsskóla

Samkvæmt aðalnámskrá framhaldsskóla má meta starfsnám og viðurkennt listnám á framhaldsskólastigi til kjörsviðs á bóknámsbrautum. Slíkt nám getur komið í stað allt að 12 eininga á kjörsviði auk þess sem nemandi getur nýtt frjálst valnám í sama tilgangi. Nemandi getur því fengið allt að 24 einingar metnar á þennan hátt sem hluta af námi til stúdentsprófs.

Menntamálaráðuneyti gefur síðar út reglur um mat á tónlistarnámi sem viðurkennt er inn á bóknámsbrautir framhaldsskóla.

### Samstarf við aðra tónlistarskóla

Samvinna tónlistarskóla getur verið margvísleg og fer meðal annars eftir staðsetningu skólanna, eðli þeirra og áherslum í starfi. Samstarf af þessu tagi eykur fjölbreytni og möguleika í skólastarfi og hefur gjarnan hagræðingu í för með sér. Það sama gildir um samstarf tónlistarskóla og samstarf þeirra við aðra aðila, skýr markmið og góð skipulagning eru lykilatriði. Sem dæmi um samstarfsverkefni má nefna hljómsveitarstarf, námskeiðahald, gagnkvæmar heimsóknir, tónleika, hátíðir, kennararáðningar og prófdæmingu. Enn fremur má nefna nemenda- og kennara-skipti. Stjórnendur og starfsmenn tónlistarskóla eru hvattir til að hafa vakandi auga fyrir möguleikum á þessum sviðum.

## **Samstarf við aðra aðila**

Eins og áður hefur komið fram gegna tónlistarskólar fjölbreyttu mennta- og menningarhlutverki. Til að ná settum markmiðum er nauðsynlegt að tónlistarskólarnir hafi samvinnu við ýmsar mennta- og menningarstofnanir. Samstarfsmöguleikar eru margvíslegir og breytilegir eftir staðháttum. Samstarfið getur bæði beinst að einstökum afmörkuðum verkefnum eða verið fjölþættara og náð yfir lengri tímabil. Samstarfsaðilar geta til dæmis verið aðrir listaskólar, söfn, kirkjur, sjúkrastofnanir, félagsstarf aldráðra og ýmis félagasamtök, svo sem íþróttafélög og leikfélög. Þá kann ýmiss konar samvinna við listamenn að vera báðum aðilum giftudrjúg. Að auki er hvatt til samstarfs við erlenda aðila eftir því sem aðstæður leyfa.



## NÁMSUMHVERFI

Aðbúnaður og umhverfi í tónlistarskólum getur haft mikil áhrif á námsárangur nemenda sem og á viðhorf og líðan allra sem í skólunum starfa. Húsnaðisþörf skóla fer að miklu leyti eftir nemendafjölda og námsframboði á hverjum stað. Þó er ákveðin lágmarksáðstaða mikilvæg í öllum tónlistarskólum sem uppfylla eiga kröfur aðalnámskrár. Nemendafjöldi og námsframboð ákvarðar einnig að nokkru leyti þörfina fyrir tækjakost og hljóðfæraeign. Ákveðinn lágmarkskjarni hljóðfæra og kennslutækja er þó mikilvægur eigi skóli að geta haldið uppi þeirri kennslu sem aðalnámskrá gerir kröfu um.

Hér á eftir verður farið nokkrum orðum um húsnaði og búnað tónlistarskóla.

### Húsnaði

Hentugt og gott húsnaði getur skipt sköpum í starfsemi tónlistarskóla. Því er mikilvægt að búið sé eins vel að hverjum tónlistarskóla og kostur er. Í viðauka á bls. 68-72 er umfjöllun um húsnaði og búnað tónlistarskóla, sett fram til leiðbeiningar. Ljóst er að ábendingar þær sem þar eru gefnar eiga misvel við um einstaka tónlistarskóla og ræður þar miklu stærð og verksvið skóla.

Gera má ráð fyrir að kennslurými í tónlistarskólum sé í ýmsum tilfellum nýtt fyrir margs konar kennslu, t.d. að tónleikar, tónfræðakennsla og samleikur fari fram í sal, og er þá nauðsynlegt að taka mið af þeirri fjölþættu kennslu við hönnun húsnaðisins. Þegar ekki er um sérhannað húsnaði til tónlistarkennslu að ræða er mikilvægt að laga aðstöðuna að þörfum tónlistarskóla.

Í vissum tilfellum getur verið hagkvæmt að nýta húsa-kynni grunnskóla eða annað heppilegt húsnæði til kennslu á vegum tónlistarskóla, að því tilskildu að aðstaðan sé í samræmi við aðalnámskrá tónlistarskóla.

## Búnaður

Mikilvægt er að tónlistarskólar búi yfir góðum hljóðfæra- og tækjakosti. Æskilegt er að hljómflutningstæki séu í hverri kennslustofu. Notkun tölva í tónlist býður upp á sí-vaxandi möguleika, ekki síst í kennslu. Tónlistarskólar eru hvattir til þess að fylgjast vel með á þessu sviði og bjóða nemendum og kennurum greiðan aðgang að tölvum með tónlistarforritum. Myndbandstæki, skjár og upptökuvél eru einnig gagnleg kennslutæki.

Húsgögn þurfa að vera af hentugri stærð fyrir nemendur og taka mið af réttum vinnustellingum. Mikilvægt er að huga reglulega að viðhaldi og endurnýjun hljóðfæra skólans, tækja og húsgagna.

Í viðauka á bls. 70-72 er að finna nánari lýsingu á æskilegum hljóðfæra- og tækjakosti tónlistarskóla.



## MAT Á SKÓLASTARFI

Mat á skólastarfi skiptist í innra og ytra mat. Með innra mati er átt við sjálfsmat skóla, unnið af starfsmönnum hans. Með ytra mati er átt við úttekt á starfsemi skóla sem unnin er af utanaðkomandi aðila.

Samkvæmt 12. gr. laga um fjárhagslegan stuðning við tónlistarskóla, nr. 75/1985, með síðari breytingum, skal menntamálaráðuneytið hafa með höndum faglega umsjón og eftirlit með tónlistarkennslu. Í þessu felst meðal annars faglegt mat og öflun upplýsinga um starfsemi tónlistarskóla, t.d. með sérstökum úttektum. Jafnframt er hvatt til þess að í tónlistarskólum fari fram innra mat á skólastarfi með sambærilegum hætti og í almennum skólum.

Mikilvægt er að meta fleiri þætti skólastarfs en framfarir og árangur nemenda. Kennrar þurfa að meta störf sín og endurskoða í samræmi við niðurstöðurnar. Einnig er nauðsynlegt að meta reglulega aðstöðu, gögn, skolanámskrá og starfshætti innan skólans. Jafnt og þétt þarf að meta samskipti og tengsl við foreldra/forráðamenn, stofnanir og aðra aðila, ekki síður en innan starfsliðs skólans. Síðast en ekki síst er mikilvægt að reglulega sé metið hvernig tekist hefur að ná samfélagslegum markmiðum aðalnámskrár sem og staðbundnum markmiðum.

Þá er mikilvægt að nemendur og foreldrar/forráðamenn þeirra leggi mat á skólastarfið, til dæmis með viðtölum eða viðhorfskönnunum.

## Sjálfsmat

Sjálfsmat er leið til þess að vinna kerfisbundið að gæðum og umbótum í skólastarfí. Þá er sjálfsmat einnig leið til þess að miðla þekkingu og upplýsingum um skólastarf. Með sjálfsmati fer fram viðtæk gagnaöflun sem veitir upplýsingar um að hve miklu leyti árangur skólastarfsins er í sammæmi við markmið. Megintilgangur sjálfsmats er að gera starfsfólki skóla auðveldara að vinna að framgangi markmiða skólans, meta hvort þeim hafi verið náð, endurskoða þau og stuðla að umbótum. Í sjálfsmati kemur fram stefna og markmið skóla, skilgreining á leiðum til þess að ná þeim, greining á sterkum og veikum hliðum skólastarfs og áætlun um úrbætur.

## Viðmið fyrir sjálfsmat

Fari vinna við sjálfsmat fram í tónlistarskólum telur menntamálaráðuneytið eftirtalin viðmið mikilvæg.

Sjálfsmatið sé:

*Formlegt.* Matið skal byggt á kerfisbundnum aðferðum. Gera þarf grein fyrir hvernig er staðið að verkinu og hverjir vinna það.

*Altækt.* Matið nái til allra helstu þátta skólastarfsins, þ.e. markmiða, stjórnunar, samskipta, náms, kennslu, námsmats, nemenda, starfsfólks, aðbúnaðar og ytri tengsla.

*Áreiðanlegt.* Matið þarf að byggjast á traustum gögnum frá skólanum, svo sem viðhorfskönnum, t.d. meðal nemenda, starfsfólks, foreldra og almennings.

*Samstarfsmiðað.* Allt starfsfólk þarf að koma að vinnu við matið. Við skipulagningu og undirbúning þarf að kynna umfang verkefnisins og sátt þarf að ríkja um framkvæmd þess. Verkaskipting, stjórnun og ábyrgð þarf að vera skýr. Huga þarf að þátttöku nemenda, foreldra og annarra hagsmunaaðila í sjálfsmatinu.

*Umbótamiðað.* Í kjölfar mats þarf að gera áætlun um umbætur og þróun á starfinu. Einnig þarf að benda á hvernig markmiðum umbótaáætlunarinnar verði náð og skilgreina þarf hvernig megi meta árangur.

*Stofnana- og einstaklingsmiðað.* Matið þarf að beinast bæði að skólanum sjálfum og þeim sem þar starfa.

*Lýsandi.* Taka þarf saman hnitmiðaða lýsingu á starfsemi skólans. Gæta skal þess að lýsingin hafi tengsl við markmiðssetningu.

*Greinandi.* Greina þarf styrkleika og veikleika í einstökum þáttum skólastarfsins.

*Opinbert.* Ákveða þarf hverjir eiga að hafa aðgang að tilteknum þáttum sjálfsmatsins. Hér þarf að tryggja að haldin séu í heiðri ákvæði gildandi laga, m.a. um meðferð persónuupplýsinga.

### Ytra mat

Megintilgangur ytra mats á skólum er að fá heildarmynd af skólastarfinu eða einstökum þáttum þess eins og það er á hverjum tíma. Sjónum er beint að ýmsum þáttum í innra starfi skóla, svo sem stjórnun, kennslu, þróunarstarfi, samstarfi og samskiptum í skólanum, námsárangri og tengslum skólans við samfélagið.

62



# VIÐAUKAR

Það sem hér fer á eftir telst ekki til aðalnámskrár tónlistarskóla en er sett fram til leiðbeiningar. Efni viðauka er eftirfarandi:

**Nýbreytni í námsframboði  
Að skapa eigin tónlist  
Um húsnaði og búnað tónlistarskóla**

## Nýbreytni í námsframboði

Hlutverk tónlistarskóla er að sinna nemendum á öllum aldri, jafnt börnum sem fullorðnum. Æskilegt er að skólanir láti ekki við það sitja að taka við þeim nemendum sem til þeirra leita heldur ættu skólanir að kynna starfsemi sína með markvissum hætti. Sérstaklega er hvatt til að tónlistarnám sé kynnt fyrir grunnskólanemendum.

Hér á eftir fara nokkrar hugmyndir um námsframboð utan venjulegs náms í tónlistarskólum. Hugmyndum um nýbreytni í námsframboði er einkum ætlað að vera hvati að fjölbreytilegu starfi í íslenskum tónlistarskólum.

## Fyrirlestraraðir, námskeið og tónleikakynningar

Möguleikar skóla til að bjóða fram ýmiss konar fyrirlestraraðir, námskeið eða tónlistarkynningar fyrir almenning eru margvíslegir. Slík kennsla getur ýmist verið fastur liður í starfi skóla eða tímabundin. Hugsanlega mætti efna til slíks í samstarfi við aðra aðila. Leiðbeinendur gætu ýmist verið kennarar skólans eða aðrir. Sem dæmi um viðfangsefni má nefna fyrirlestra um mismunandi gerðir tónlistar eða afmörkuð svíð innan tónlistarsögunnar, námskeið í sögulegum og þjóðlegum dönsum, tónlist frá ýmsum menningarsvæðum, alþýðulög sungin og leikin, notkun tölva í tónlist, líkamsbeitingu,

tónlist og hreyfingu, hlustun og ágrip af tónlistarsögu, hljóðfærasmíði og námskeið fyrir unglingshljómsveitir.

### Samleikur fyrir áhugafólk

Tónlistarskólar geta skipulagt hljómsveitarstarf fyrir þá sem einhverja kunnáttu hafa í hljóðfæraleik og áhuga hafa á samleik enda þótt þeir stundi ekki allir hljóðfaranám samhliða. Þetta gæti til dæmis hentað fullorðnum og ungmennum sem vilja viðhalda og nýta kunnáttu sína í áhugastarfi. Koma mætti á fót hljómsveitum, kórum, lúðrasveitum og samspilshópum af ýmsum stærðum.

Hljómsveitarstarf af þessu tagi getur hentað vel sem samstarfsverkefni tónlistarskóla og annarra aðila.

### Kynningarnámskeið í hljóðfæraleik

Skipuleggja mætti stutt kynningarnámskeið í hljóðfæraleik þar sem kennt væri í smáhópum á tiltekin hljóðfæri. Markmið þess konar námskeiða gæti verið að veita nemendum innsýn í hljóðfaranám, auka áhuga þeirra á slíku námi og gera þá hæfari til að meta hvort frekara tónlistarnám eða tiltekið hljóðfæri henti þeim.

### Hljóðfaranám í smáhópum

Við skipulagningu hljóðfærakennslu er nauðsynlegt að hafa þarfir nemenda að leiðarljósi. Alla jafna gefur einstaklingskennsla bestan árangur en í vissum tilfellum getur þó verið hagkvæmt og árangursríkt að kenna í smáhópum, einkum þegar byrjendur í hljóðfaranámi eiga í hlut.

Enda þótt einkakennsla sé ríkjandi form hljóðfærakennslu í tónlistarskólum hér á landi gætu einstakir skólar kosið að reyna annars konar kennslufyrirkomulag. Ætla má að nám í smáhópum geti reynst vel í byrjendakennslu ef vandað er til kennslunnar. Við skipulagningu slíkrar kennslu verður að taka tillit til aldurs og þroska nemenda, nota hentugt kennsluefni og viðeigandi kennsluaðferðir. Æskilegt er að jafnframt sé gert ráð fyrir að mismunandi námsgeta geti kallað á endurröðun nemenda í hópa.

Ef kennt er í smáhópum verður að gera ráð fyrir lengri kennslustundum en að jafnaði eru í einkakennslu. Stærð hópa getur verið mismunandi eftir hljóðfærum en æskilegt er að ekki séu fleiri en fjórir nemendur í hverjun hópi. Skipuleggja má kennsluna sem einkakennslu og smáhópkennslu á víxl eða að nemendur stundi alfarið nám í smáhópum.

Enda þótt hljóðfæranám í smáhópum hafi ýmsa kosti í kennslu byrjenda býður slíkt kennsluform hvorki upp á alla kosti einkakennslu né getur leyst hana af hólmi.

## Að skapa eigin tónlist

Markvisst, skapandi starf þjálfar tónneyra, eykur víðsýni og skilning á tónlist, auk þess sem það eflir frumkvæði, sköpunargáfu og sjálfstraust nemenda. Í aðalnámskrá tónlistarskóla er kveðið á um að allir nemendur í grunnnaði skuli fá örvun og tækifæri til ýmiss konar tónsköpunar sér til ánægju og aukins þroska. Lengra komnir nemendur ættu einnig að eiga þess kost að stunda skapandi starf. Fjölþætt, skapandi starf ætti að vera veigamikill þáttur í náminu, jafnt í hljóðfærnanámi og tónfræðum.

Til að sem bestur árangur náist er mikilvægt að sinna skapandi starfi jafnt og þétt. Kennrar eru hvattir til að hljóðrita sem mest af þessari vinnu nemenda, leyfa þeim að hlusta, gagnrýna og endurbæta. Enn fremur er hvatt til þess að nemendur æfist í að skrá eigin verk. Sjálfsagt er að nemendur kynnist tölvunotkun, meðal annars til tónsmíða og nótnaskráningar. Sjá nánar í tónfræðanámskrá.

### Skapandi starf í tónlistarnámi

Hér á eftir fara nokkrar hugmyndir um leiðir til að flétta skapandi starf á margvíslegan hátt inn í tónlistarnám. Hljóðfæra- og tónfræðakennrar geta nýtt stakar hugmyndir eða tvinnað saman fleiri en eina eftir hentugleikum.

Skapandi starf í tónlistarskólum getur verið mjög fjölbreytt. Nemendur geta unnið einir eða í smáhópum og er hvatt til þess að notuð séu bæði skólahljóðfæri og hljóðfæri nemenda eftir því sem aðstæður leyfa.

Hægt er að auka skilning nemenda á eðli hendinga með því t.d. að kennari og nemandi skiptist á um að spinna upphaf og niðurlag hendinga. Nemandi getur í kjölfar þess spunnið heilar hendingar sem hafa upphaf og endi í hefðbundnum skilningi, ýmist einradda eða gerðar með stuðningi einfaldra hljóma eða endurtekins bassa.

Nemendur geta botnað hrynstef sem kennari eða aðrir nemendur byrja á og samið hrynstef, frjálst eða með tilteknum nótnagildum. Þetta má gera skriflega eða beint á hljóðfæri nemenda eða skólahljóðfæri.

Tónsmíðar nemenda bjóða upp á fjölmarga möguleika. Semja má laglínur, frjálst eða samkvæmt fyrirmælum, t.d. varðandi tóna, umfang eða hryn. Laglínurnar má ýmist leika af fingrum fram eða skrá. Lítill lög má semja frjálst eða eftir fyrirmælum, t.d. í tiltekinni formgerð, með tilteknu hrynmynstri eða í ákveðinni takttegund. Semja má laglínur við ljóð, semja eða spinna tónlist sem lýsir sögu, hugblæ, stemningu eðaugarástandi. Enn fremur má semja eða spinna tónlist sem lýsir náttúrufyrirbærum, svo sem stormi, regni, þoku eða sólskini. Einnig geta nemendur túlkað myndverk í tónum.

Semja má ýmiss konar undirspil, svo sem hrynn- eða laglínuprástef. Einnig geta nemendur samið hljómrænt undirspil. Undirspil má bæði semja við eigin laglínur, laglínur annarra eða þekkt lög.

Samleikur nemanda og kennara eða nokkurra nemenda, þar sem byggt er á ákveðnum hljómi eða hljómum, tónstigum, stefjum eða hryn, er kennsluform sem býður upp á ýmsa kosti.

## Um húsnaði og búnað tónlistarskóla

Hér á eftir er að finna ábendingar um húsnaði, hljóðfæraeign og tækjakost tónlistarskóla. Fastur húsbúnaður, þ.e. bord, stólar og ýmis smærri áhöld, svo sem taktmælar, nótnapult og fótskemlar, er þó ótalinn. Sjá einnig kafla um námsumhverfi á bls. 57-58.

### Húsakostur

Við hönnun og val á húsnaði fyrir tónlistarkennslu þarf að huga sérstaklega að hljómburði, hljóðeinangrun, loftræstingu og lýsingu. Einnig þarf ætíð að gera ráð fyrir greiðu aðgengi fatlaðra.

**Hljóðfærakennslustofur** þurfa að vera nægilega stórar til þess að þar megi, auk hljóðfærakennslu, koma fyrir samleik lítilla hópa. Heppilegt er að einhverjar hljóðfærakennslustofur geti nýst fyrir stærri samleikshópa. Að minnsta kosti eina hljóðfærakennslustofu þarf fyrir hverja 25 nemendur.

**Hópkennslustofur** þurfa að rúma 10–20 nemendur, hljóðfæri, þ.m.t. flygil eða píanó, húsgögn, kennslugögn og tæki. Einnig verður að gera ráð fyrir rými fyrir ýmis minni hljóðfæri, tónlistarflutning og hreyfingu nemenda. Að minnsta kosti eina hópkennslustofu þarf í hverjum tónlistarskóla. Miða má við að eina slíka stofu þurfi að jafnaði fyrir hverja 140 nemendur.

**Salur** fyrir tónleika, tónfundí, samæfingar nemenda og kennslu er nauðsynlegur í öllum tónlistarskólum. Salurinn þarf að hafa góðan hljómburð, loftræstingu, stillanlega lýsingu og rúma lofthæð. Þar sem byggðir eru nýir tónlistarskólar er tilvalið að salur sé svo vel úr garði gerður að hann geti jafnframt þjónað sem einn af tónleikasöлum sveitarfélagsins.

**Samspilssstofa** þarf að vera rúmgóð og vel hljóðeinangruð. Ef nota á stofuna fyrir ýmiss konar samspil er æskilegt að gera ráð fyrir að unnt sé að breyta hljómburði eftir þörfum hverju sinni, t.d. með færانlegum tjöldum, flekum eða gólfmottum. Ef nota á stofuna fyrir rytmíská tónlist þarf hún að rúma trommusett og önnur samleikshljóðfæri ásamt mögnurum, hljóðkerfi og hljómflutningstækjum, auk flygils.

**Slagverksstofa** þarf að vera sérstaklega vel hljóðeinangruð og geta rúmað mörg og stór slagverkshljóðfæri. Mikilvægt er að góð hljóðfærageymsla fyrir slagverkshljóðfæri sé í tengslum við stofuna. Heppilegt getur verið að slagverksstofa og salur séu á sömu hæð þannig að auðveldlega megi flytja ásláttarhljóðfæri til nota í hljómsveitarstarfi og á tónleikum. Æskilegt er að gera ráð fyrir greiðu aðgengi að slagverksstofu þannig að auðvelt sé að flytja hljóðfæri, þurfi að nota þau utan skólans.

**Fjölnota stofa** gefur ýmsa möguleika þó að alla jafna sé æskilegt að hafa kennslustofur sem sérhæfðastar. Þannig er t.d. hægt að nýta sama rýmið fyrir tvær eða fleiri kennslugreinar. Ef um slíka samnýtingu er að ræða er mikilvægt að stofan sé rúmgóð, húsgögnum og búnaði haganlega fyrir komið og tekið tillit til þarfa allra sem stofuna nota.

**Setustofa** fyrir nemendur þarf að vera í öllum tónlistarskólum. Stærð hennar fer eftir aðstæðum á hverjum stað en víða má gera ráð fyrir að foreldrar/forráðamenn nemenda nýti einnig setustofuna.

**Skólasafn** er nauðsynlegt í öllum tónlistarskólum. Húsnæði safnsins þarf að vera nægilega rúmgott til að þar megi koma fyrir nótum skólans, hljóðritasafni, bókum um tónlist og tónlistarkennslu, uppflettiritum, tímaritum o.fl. Einnig þarf að gera ráð fyrir aðstöðu nemenda til lestrar, hlustunar og annarrar vinnu. Hentugt getur verið að koma skólasafni fyrir í tengslum við skrifstofu þannig að starfskraftar nýtist sem best.

**Hljóðver** sem kennsluaðstaða, upptökuaðstaða og gagnasmiðja ætti að vera í sem flestum skólum. Heppilegt getur verið að koma hljóðveri fyrir í tengslum við sal skólans þannig að nýta megi aðstöðuna til að taka upp tónleika.

**Æfingaherbergi** fyrir nemendur eru æskileg í öllum skólum, einkum þó þar sem lengra komnir nemendur stunda nám. Kennslustofur má nýta í þessum tilgangi á meðan engin kennsla fer þar fram. Í skólum þar sem kennt er á fágæt hljóðfæri, svo sem orgel, sembal og slagverk, þarf að vera hægt að bjóða nemendum upp á fullnægjandi æfinga-aðstöðu.

**Skrifstofa** þarf að rúma allan venjulegan skrifstofubúnað, vera á heppilegum stað og með greiðu aðgengi. Séraðstöðu þarf fyrir skólastjóra og yfirkennara.

**Kennarastofa** þarf að vera með góðri loftræstingu, hljóðeinangrun og eldhúsaðstöðu. Stærð kennarastofu þarf að taka mið af fjölda kennara við skólann.

**Vinnuaðstaða** kennara er nauðsynleg í öllum tónlistarskólum. Þar þarf að gera ráð fyrir skrifborðum, tölvubúnaði, ljósritunaraðstöðu og aðstöðu til kennslugagnagerðar.

**Snyrtiaðstaða** þarf að vera bæði fyrir nemendur og kennara.

**Geymslur** þurfa að vera rúmgóðar og vel staðsettar. Meðal annars getur reynst heppilegt að hafa geymslurými í tengslum við sal.

### **Hljóðfæri, tækjakostur og kennslugögðn**

Hér á eftir er að finna ábendingar um allan helsta búnað sem æskilegur er í tónlistarskólum þótt upptalning af þessu tagi verði aldrei tæmandi.

## Láns- og leiguhljóðfæri

Mælt er með því að tónlistarskólar eigi ýmis blásturshljóðfæri og strengjahljóðfæri í barnastærðum og leigi eða láni nemendum, einkum byrjendum í hljóðfæranámi. Sama á við ef kennt er á mjög dýr eða fágæt hljóðfæri, t.d. fagott eða túbu. Einnig er æskilegt að skólar eigi hljóðfæri sem þörf er á vegna samspils, svo sem óalgengar stærðir af blokkflautum, klarínettum og saxófónum. Ef boðið er upp á kennslu á stór og þung hljóðfæri, svo sem hörpu, kontrabassa, túbu og slagverkshljóðfæri, þurfa þau að vera í eigu skólans.

## Hljóðfærakennslustofur

Æskilegt er að flyglar séu í píanókennslustofum en píanó eða flyglar í öðrum stofum. Stillanlegir píanóbekkir þurfa að fylgja öllum flyglum og píanóum. Einnig þarf að gera ráð fyrir viðeigandi húsgögnum og búnaði fyrir aðra hljóðfærakennslu. Æskilegt er að tafla með nótnastrengjum og speglar í líkamsstærð séu í hljóðfærakennslustofum.

## Hópkennslustofur

Í hópkennslustofum þurfa að vera eftirtalin hljóðfæri og kennslutæki, auk ýmissa kennslugagna: Flygill eða píanó, skólahljóðfæri (t.d. Orff-hljóðfæri), hljómfloftningstæki, hljóðnemar, tafla með nótnastrengjum, tölva með tónlistarforritum, skjávarpi, myndvarpi og tjald. Auk þess er æskilegt að skólinn eigi myndbandstæki með skjá, gjarnan færarlegt.

## Salur

Í sal er nauðsynlegt að hafa flygil. Æskilegt er að hljóðkerfi og hljóðupptökubúnaður sé fyrir hendi í salnum eða í tengslum við hann.

## Samspilsstofa

Í samspilsstofu þarf að hafa flygil. Fari fram kennsla í rytmískri tónlist þarf einnig trommusett, gítarmagnara, bassamagnara, hljómborð og hljóðkerfi.

### Slagverksstofa

Lágmarksbúnaður til kennslu á fyrstu námsstigum í slagverksleik er sneriltromma, bassatromma, málmgjöll, þríhorn og klukkuspíl, þ.e. þau hljóðfæri sem að jafnaði eru notuð í lúðrasveitum. Einnig er æskilegt að trommusett sé fyrir hendi þar sem slagverkskennsla fer fram. Alhliða kennsla á slagverk gerir hins vegar mun meiri kröfur um hljóðfæraeign. Nánar er gerð grein fyrir hljóðfæraþörf vegna þeirrar kennslu í greinanámskrá fyrir ásláttarhljóðfæri.

### Skólasafn

Mikilvægt er að skólar búi yfir góðum nótna- og bókkostí, eigi hljóðrit með fjölbreyttri tónlist og að nemendur og kennarar hafi aðstöðu til að nýta sér safnkostinn sem best. Einnig er mikilvægt að hlustunaraðstaða sé á skólasafninu þannig að nýta megi safnið í námi og kennslu. Þá þurfa nemendur að eiga þess kost að hlusta þar á tónlist sér til ánægju á frístundum. Æskilegt er að á skólasafninu séu net tengdar tölvur með tónlistarforritum og kennsluefni fyrir nemendur. Ennfremur er æskilegt að á safninu sé tónlistarefni á myndböndum og aðstaða fyrir nemendur til að nýta sér það. Gera verður ráð fyrir reglulegum innkaupum nýrra safngagna.

### Hljóðver

Í skólastarfi nýtist hljóðver á margvíslegan hátt. Hægt er að taka upp tónleika, búa til kennsluefni og nota hljóðverið til kennslu, svo sem í tónsköpun eða til að kenna nemendum hljóðupptökur og vinnslu. Í hljóðver þarf eftirfarandi lágmarksbúnað: fjölrása upptökutæki, hljóðblöndunartæki, magnara, hátalara, hljóðnema, hljóðgervla og ýmis jaðartæki.